



兵將屠邑境宣獨叩軍門乞貸辭嚴義正主帥壯  
之乃釋不屠著有道德經註子午流註通論等書  
潘應定嘉興人事母至孝母喪廬墓有白鶴翔集  
黃桂素華之異周伯琦榜其墓所曰雙禎

過宗一海鹽人蚤喪父獨與母居至正間張士誠  
陷姑蘇略地至海上宗一負母逃與寇遇欲殺之  
以身蔽母中數創賊舍而去既返益困傭以給食  
母卒六年不克塋寢苦服衰不變與人語輒泣下  
白

東  
西相向及塋燕不復來

戚敬，素肅嘉興人。母病醫藥弗效，割股肉以進。母不能食而死，敬痛絕。再三既葬，結庵墓傍，伏匿其中。墓產白芝五本，又欲像母事之，工莫能也。敬伏墓號哭不已。母忽見夢于工，明日工肖而像焉。敬奉之如生士，誠陷吳將逼秀里，人皆遁。敬曰：吾忍舍父母坟墓耶？乃散財集子弟保鄉里，寇至多所焚掠，敬所居白苧鄉獨完。有司論其功，謝曰：敬爲墳墓計，敢希賞乎？後部使者薦爲文學掾，十年不調。

聖明

殷近仁，嘉興人家，貧與弟原善友愛無間。洪武初，近仁舉孝弟，知平遙縣，獻所著蒞政戒銘二十四篇，擢廣西叅政。與妻皆率官所遺三男一女，咸幼原善，遂不娶撫諸孤如已出親友。諷之娶原善，泣曰：兄嫂不幸，皆早世，遺孤纍纍，使我娶而不賢，則諸孤將安托哉？且娶者以爲後也，諸孤當有爲。吾後者娶復何益？終不復娶。撫教婚嫁，皆得其所。鄉邦稱之，焉近仁祀學宮，鄉賢。

嚴震宗遠嘉興人世本儒醫震早喪母事父至孝父常患危疾震謂非藥餌可療禱于天割股肉爲羹進之父疾立愈同時有甯冠者崇德人亦割股活其祖母人並稱之

章普音嘉興縣永安鄉人父早世事母徐至孝母嘗患心疼普音即奉香路拜往普陀以禱獲覩顯應他日母復患傷寒瀕危普音割股肉爲羹以進未愈一夕割胸取肉復和粥進之母食頓愈新城吳槐者母病草焚香籲天割右股肉爲羹以進母

延數日而卒嘉興縣學生員張應椿亦有是事顧昌嘉善人母年八十餘苦下痢昌日就里中真武祠祈禱願以身代母病日甚乃操刀入祠剗胸探其心不得割傷膜爲羹進母時母以數日不食聞羹香欲食食之頓愈

崔永字彥齡海鹽人七歲喪父其母韓氏更里人桑慎從戍海南永思母不置遂徒步走海南行次瓊州得見母會慎歿永求歸母所司不可永哀請于朝夕之歸舟遭風母失水永入水負母得活永

竟以疾死江西布政使茹大素塋祭之海南人  
至今稱崔孝子云

沈壽康字原懋海鹽人早歲爲州吏養親至孝親  
歿塋祭如禮廬墓敝衣菲食終身焉晚習經學有  
解悟信道甚篤識度絕人南臺論薦官之不就洪  
武初知縣王文表其村曰孝隱

夏正字時寅海鹽人性孝友親歿廬墓事其兄宗  
如父鄉里稱之

童輝字景文海鹽人鎮江府經歷母蚤世事父孝

養備至年已老猶戀戀如嬰兒鄉黨稱孝焉

秦涇字汝清平湖人幼喪母哀毀不勝服除像事  
之如生及事母失愛涇事之益謹撫異母弟尤  
篤率回母心父卧病鄰火及卧所扶舁不及涇但  
叩頭籲天風反火滅父歿廬墓終喪知府鄭登高  
勘覈上聞未報而卒

鄒昊嘉善人母老失明日夜籲天後數年復明鄉  
里異傳其事

夏瑞海鹽人幼喪父事母至孝母患痼疾醫不能

療割膠以進得愈知縣李頌旌其門

顧薇海鹽人性至孝童時父母有小疾即憂形于色湯藥必嘗年十八母李故哀慟頓絕良久乃甦冰漿不入口者三日潛刻一木肖母像事之如生出入必涕泣以告一日號呼不已木母忽作聲呼其名家人聞之大驚比隣失火將延及伏棺慟哭火回棺卒無恙又繼母盛不善視薇薇事之如李不少違母率化爲慈人稱爲顧孝子

沈必達弟必顯奉化人國初隨舅氏戍海寧與兄武昂季弟必侃同居爨相友愛內外無間言里人匾其居曰和樂堂必顯道遇殍骸白必達殮之隨施棺以殮鑿路井五十以濟渴正統七年官軍杜忠等戰溺沈家門七日不食必顯捐粟募筏救之得生者七十二人

周玘嘉善人景泰中兄當戍五開玘年十七慨然請代父兄不許有司亦難之玘曰家貧役重非兄侍養莫慰親心請益力官不能奪既之戍業裕嗣昌人以爲友愛所致

嘉興 卷之三十一  
陳源字本深海鹽人性孝友好施父遺盡讓之兄弟成化壬辰歲大侵爲粥以食饑者好納四方遊士戶履恒滿詔賜壽官粟帛

徐藻字子縈司訓縉子本海庠生痛父縉惟倭毒具奏召集鄉兵滅賊以雪父冤得旨名曰忠孝軍乍浦沈庄俱有戰功軍門優獎

沈槩字一之嘉善人勵志飭躬非禮不動事父母竭盡孝養居喪蔬食三年卧起不離于次家居考定四禮多取文公家禮爲則而尤嚴于喪祭一時

稱其好古執禮在邑庠當貢輒讓其友最復貢至京遥拜江西布政司都事有古人風今祀鄉賢凌孝子失其名嘉善人永樂中南弱冠父以典稅被誣逮繫京師孝子號慟上書明父非辜遂得釋水陸風雨備嘗艱苦遂以是殞人共惜之

鄒昊嘉善人母年七十因夫袒故哀慟喪明昊延醫治之不愈朝夕禱祝祈以身代俄而母兩目中各重生一瞳復明如故人謂之孝感云

莫箴字用行海鹽人博涉能詩性孝母卧病父又

嘉興 卷之三十一  
患疽瀕死皆割股療之所著有珮觿稿詠史詩素  
軒藁五音字書辨訛

周文忠字德茂崇德人性孝友况遭寇掠躬急其  
難毋胡氏疾甚多方救藥弗效乃籲天潛割股和  
藥以進親疾隨愈其他賑饑施棺修橋鑿井尤多  
義舉孫塤建百歲堂以奉享年百有三歲而終  
陳昂秀水人事毋沈盡孝毋邁危疾晨夕奉藥累  
侍牀褥間毋忽思食鯉乃早起循溪岸行俄聞魚  
躍聲解衣入水得巨魚為羹奉毋疾尋愈迨居喪

廬墓三年以誕晨祀毋有一雁從天而下舒頸鼓  
翼馴擾庭中里人繪二異圖咏歌之具姚公綬傳  
後子孫多馴行孝謹九德甲子順天中式令潛江  
縣一德生子懿與今為編修一德亦膺褒封焉  
竇卿秀水人德藩典寶素以孝聞嘉靖間部使者  
下郡邑旌其門父嘗病足癰卿躬浣拭吮時時  
背負行毋患脾虛急走叢祠密禱乞減齡益親美  
父母並享年九十

沈壁秀水人正德間應詔輸粟助邊授千戶兄弟

五人最友善迨折產體父意推腴受瘠伯兄長鄉  
賦勞憊請以身代役季弟遭回祿即與築居比  
撫其孤給薪水事載錢薇誌中

節義

晉

李祥海鹽人隆安中從內史袁崧築滄瀆壘禦孫  
恩崧為賊害祥突白刃收崧歸塋時皆義之

五代

薛仁德吳中戎府右職侗儻好施為蘇州中令官

誥使自郊勞迄祖餞既遺禮幣一萬餘緡禮畢還  
府過崇德堰見牽船人多荷藁薛驚異會令佐來  
謁因問之對曰崇德當驛路衝要所逋秋稅甚多  
堰役夫皆是物也薛曰今夕試與考覈簿籍實欠  
幾何明日艤舟相待令佐侵晨具籍呈之所欠九  
千七百餘緡薛欣然命從者閱視橐裝幾及其數  
捐舟送縣空載而去

宋

殷澄字公源華亭人家富好施每大雨雪載薪米

嘉興

卷之二十一

十一

救寒餒又置棺槨濟人人目為般佛子澄性介特  
生平無宿諾見義勇為元兵壓境澄猶保聚未下  
元將楊掃地者大怒命屠其境澄仗劍扣軍門曰  
民猶水也水順則流逆則激民順則從逆則亂今  
將軍不廣好生之德施不殺之威顧欲盡勦斯民  
乎楊怒欲斬澄厲聲曰即殺一人活千萬人死安  
足惜辭氣益壯楊感悟一境獲全丞相伯顏聞而  
義之授澄軍民都總管使守其地澄曰大宋之亡  
吾以親故不與俱亡乃獨不能逸乎遂野服放浪

九平三泐稱泐南浪翁云

衛謙字山甫華亭人第進士調丞未行而元師及  
境童樞密聞謙邀與語奇之版授龍溪尹辭不就  
有鹽丁以妖煽掠海上分守千戶沙全疑邑民反  
側將勒兵殲之謙詣全開譬以身為質兵遂寢又  
舉謙為温州路治中復辭立義庄義塾惠教鄉族  
所著有讀易管見三十卷子德加字默禮閉戶讀  
書不就辟舉妻已不再娶獨居三十年至正間盜  
起州里解散德加獨守祠墓不去盜義之不加害

張仲淳秀州人以文行知名居鄉教授好周人之  
急務行陰德不求人知偶一商疾薦投仲淳問其  
姓名鄉里言訖遂斃裝有十金仲淳自為具棺歛  
召其子護喪持金歸復捐貲經紀其葬事一夕夢  
死者謝仲淳云蒙公厚德無能結草公今生貴子  
矣已而生子師中舉進士為館職終京西漕使尚  
書工部郎中

陶菊隱嘉興人佚其名祐末元兵南下菊隱聞  
勤王之舉以示材召義兵以拒元謁文丞相于

軍宋亡遺士流寓者多以為依戒子孫勿仕元當  
時同邑有趙孟個華亭有數澄稱秀州三義  
戴光遠字君實嘉興白牛鎮人鎮遠郡縣學校不  
立光遠乃辟地三十畝為殿宇學舍四十餘楹置  
師聚生徒百五十輩延名儒黃玠王之自是鎮人  
始知學

顧德玉字潤之興人從寧國教授俞長孺遊長  
孺有道士然子嘗語人曰吾昔寢疾于杭德玉  
侍湯藥情猶父子醫為感動弗受謝今我行上老

必寄之以死既而訪醫吳中病且革趣舟歸德王  
既死德王歛于家哀經就位邦人士為德王來  
德王谷拜葬海鹽歲時享祀惟謹

劉儼字敬先真定人父貞宦海鹽遂占籍焉儼博  
學善詩文娶瞽婦終身愛敬如賓門人蕭某貧  
其贄又恒周之友人沈德常死無所歸儼止田三  
畝鬻以葬焉

元

濮鑑字明之桐鄉人大德丁未大水滄禾鄉民若

饑鑑捐米千餘石以食饑者所活甚衆有司上其  
事給授富陽稅務官加將仕郎

吳森字君茂其先汝南人徙居嘉善元至元間為  
管軍千戶饒貴好施與嘗捐田二頃建塾延師以  
淑鄉之後進廉訪使奏聞表其門曰義士

俞庸字子中嘉興人為平江路推官年饑穀貴流  
殍塞塗憲府檄庸董倉庾賑給全活數萬淮兵壓  
境庸募勇士鑰守盤門郡僚高安等謂庸盍不俱  
竄庸厲聲叱曰公等以世臣守大城一旦臨利害

嘉興府志卷之三十一  
先民逋逃不顧義與恩耶高安持鐵簡擊庸仆地  
遂開門兵至城下庸未延被擒置諸馬下頃之甦  
以計脫去微服間道歸淞久之以府知其入將授  
以爵謝之曰吳門之役吾有死所今日之生出不  
幸耳尚負面授他命見天日乎因怙病卒年四十  
五

皇明

楊任嘉興人母張氏初生任有胡僧過之聞啼聲  
嘆曰此兒異日必顯終不免於刑耳任至孝嗜學

洪武間由人才擢知袁州府黃子澄一見以國士  
許之守袁政多軍民北師起任引疾歸壬午事定  
子澄出徵云往約蘇守魏善航海善不可子澄乃  
至任家與任謀求舊君以圖大舉事泄任與子澄  
俱被擒至京磔于市任子禮坐死籍產族誅  
陸琦字一谷汾湖人宣德中父坦將建學宮不果  
而歿琦承父命於地復建義塾於汾湖之陰學  
士曾鶴齡有記

劉鳳字果儀自涪州梁人任海鹽學諭因家鹽

之陶涇鳳見沈宗明水軍遇颶風有溺者每更者  
鳳憫之具疏上奏 朝廷下議責居民能保百年  
無事否鳳乃大置酒會隣里姻族曰吾願以百口  
保之設有事請伏辜咸諾遂覆 奏准罷沈家門  
之後但立堡增戍以防不虞後因子春貴贈御史  
孫琦亦第進士科第相仍不絕云

陸宗秀平湖人宋樞密副使旋吉九世孫為人敦  
朴有至行與弟宗達示俊友愛甚篤人比之楊椿  
津兄弟永樂甲辰應賢良詔涉至京會 仁廟新

御極宗秀方巾布袍引見 上異其禮貌從

退宸前問曰如何則天下太平宗秀叩頭對

王帝親賢納善大臣秉公持正自然太平

以好言 公卿懷然 由京師數日以定辭

鈔銀幣還正統五年歲饑宗秀傾家出粟麥賑

事聞 賜勅褒獎表其門曰尚義之門棹楔至今

存焉時有孫佐鍾鳴遠陸國平潘璧俱平湖人王

工顯保俱桐鄉人各出穀麥二千石助

賑有司 六事 朝廷勞以羊酒旌為義民復其

家三年其勅語俱與宗秀同子珪字廷玉景泰六年饑疫  
一饑益甚珪與弟璫瑜瑾共出穀五千餘斛以賑有司上其事  
詔授珪迪功郎兄弟四人皆賜宴光祿珪以德義著於鄉鄉人有不平事  
皆就之取直不至官府邑初建學珪與沈氏共任之既成縣令酌酒祝曰願爾兩家世世衣冠弗絕也  
其後陸之孫淞沈之孫肆俱發解

張瑤字朝貢嘉興人舉鄉薦性孝友其妻以疾不  
既於姑姑欲出之瑤心知其無罪令歸依母氏終

身不娶與兄同孝養內外無間言屢上春宁不第

隱居杜門衣食不給恬如也郡守徐盈高其誼

加過咨論政事瑤未嘗干以私卒無以殮徐為

禮葬之

此本秀水人世居邑之永樂里積織起家郡邑舉  
為萬石長守法奉公無侵漁正統辛酉歲饑有詔  
勸富民賑貸本首輸粟五千斛旌為義民表宅里  
未幾閩寇猖獗郡守帥民兵往禦之本毅然偕行  
無難色景泰癸酉募富民納粟以實邊本以白粒

穀百斛應詔將上道疾作屬子淳代往其輕財尚

義如此時有陶鉅輸粟救荒朝賜勅獎子澤輸助邊授七品教

兵淞字秀東秀水人舉嘉靖丙午鄉試數上公

不第選知靖州能戢苗獠使同編戶輸稅會山水

驟漲民溺死無算淞亟懸賞格拯一人者予十

令人置筏湏未渡者州人德之貳守九江

關值冰衝商舶多壞淞曰寧算錐刀而

請于觀風使者議草之商大稱便已遷

使知引年歸為人朴茂恂恂仁厚

不事封殖而於族黨貧乏尤好施無倦歸田後足

不躡公庭志操澹如也里中咸高其誦

陶廷錦字公重前名萬鈞秀水人嘉靖壬子舉于

鄉孝友天植清介自持有隱行友人坐事逮捕暮

夜持數百金授之且示以無還期立為封緘授婦

其後友人事雪舉囊歸封緘宛然族兄鑰死無適

為後者戚里欲立其子力辭割腹田四百畝為食

貧計竟不受已任饒州司理陸鎮江府通判俱以

廉能稱卒于家子涵中萬曆戊子領鄉薦

夏雷秀水人有叔壁客姑蘇餘三十年垂索而歸  
病不起為治殯歛既辦微知吳人有巧負壁貴者  
索歸悉畀其叔母張氏無隱息故人樂松為怨家  
所構往來居間費數百緡松家至今尸祝之隣有  
少婦窺雷獨寢以餘桃啖之面發赤流汗脫身走  
晚被旌額給章服里人以為榮子日葵旬容邑令  
徐瓚嘉興人以功曹任廣東海陽巡檢職辦會當  
開礦聞父喪賈人饋之百金冀緩湏吏行可亟發  
獲倍利瓚卻之曰父死之謂何又因以為利吾豈

以百金喪名節哉遂奔喪歸濱海人高其義為立  
邵金碑孫學周學魯曾孫必達皆貴顯

馬呈圖海寧衛指揮嘉靖三十一年五月倭犯海  
鹽新塘嘴呈圖隨統本衛驍軍李咬任等協同把  
總王應麟奮勇攻擊生擒真倭二十四名次年四  
月初一日倭首八大王等自青村登岸流突金山  
白沙灣向南劫殺所犯官軍俱經摧敗呈圖提兵  
出城與賊鏖戰軍潰呈圖直入賊圍身被三十餘  
創殞絕今祀英烈祠

姚弘海寧衛指揮僉事嘉靖三十二年倭寇侵境督軍防勦屢獲戰功至三十三年九月與賊遇殺賊四十餘賊潰奔弘奮勇殺入賊巢被賊鎗死督撫題奉仍祀英烈祠

采煉海寧衛指揮嘉靖三十二年四月初一日倭寇海鹽馬呈圖先馳煉繼策應兵潰煉奮不顧猶自血戰而死合祀英烈祠

滿朝海寧衛指揮嘉靖癸丑年倭酋八大王擁眾由金山潛踰梁庄朝率千戶王繼隆追殺

賊對敵朝斬倭寇一名料賊匿廟中突出將朝

殺死今祀英烈祠

徐行健海寧衛指揮嘉靖二十二年身經二十餘戰斬倭首三百餘顆生擒倭拾餘名後被殺死今

祀英烈祠

李元律海寧衛指揮嘉靖三十三年倭奴入寇奉調領兵防守官陽等處斬倭賊十一名復追戰

於益家堰地方克鋒陣亡今祀英烈祠

文苑

漢

嚴忌本莊姓避明帝諱稱嚴由拳人忌與司馬相  
 如俱好辭賦哀屈原受性忠貞不遇明主而遭暗  
 世乃斐然作辭歎而述之曰哀時命遭景帝不好  
 辭賦無所得志聞梁孝王右文通賓客乃徒步入  
 梁受知孝王與鄒陽枚乘俱見尊重而忌名尤甚  
 世稱嚴夫子墓今在秀水新城鎮族子助郡舉賢  
 良對策武帝善之擢中天帝務開邊屢舉賢良  
 文學令助等與公孫弘外相應以義理之

文

數詘而助獨親去吾丘壽王司馬相如東

方朔枚臯不及也建元三年閩粵圍東甌詔助持  
 節發兵救之助風諭南粵遣其子入侍又併諭淮  
 南王發兵臨粵帝益賢助問所欲拜會稽太守久  
 之不聞問乃賜書曰君厭承明之廬勞侍從之事  
 懷故土出為郡吏間者闊焉久不聞問具以春秋  
 對助上書稱謝詔留侍中後淮南王反以助嘗受  
 賂遺帝意薄其罪御史大夫張湯論殺之歸葬由  
 拳墓在今天寧閣後

朱買臣字翁子家貧好讀書不治家業常賣薪給  
食負薪行輒讀書歌謳之其妻負戴相隨數止買  
臣毋謳歌道中買臣愈疾歌妻羞之遂求去已而  
買臣詣長安上書是時同邑嚴助已貴幸薦買臣  
召見說春秋楚辭帝甚悅之亦拜為中大夫與助  
俱侍中俾難訕丞相弘時東粵數反覆買臣言發  
兵浮海可席卷破滅乃拜為會稽太守居郡歲餘  
將兵擊破東粵帝壯其功徵為主爵都尉坐事免  
復起為丞相長史與御史大夫

怨告湯陰事

湯自殺買臣歸葬故里墓在今府城東四里其子  
山拊官至右扶風

晉

陸機字士衡抗之子少有異才服膺儒術抗率領  
其兵為牙門將年二十吳亡退居靜學太康末與  
弟雲及顧榮俱入洛人號三俊機造太常張華華  
素重其名禮如舊曰人之為文常恨才少而子更  
恨其多太傅揚駿辟為祭酒累遷太子洗馬吳王  
晏出鎮淮南以機為郎中令遷尚書中兵郎轉殿

中郎為趙王倫相國參軍預誅賈謐功賜爵關中  
侯成都王穎起兵討長沙王又假機後將軍河北  
大都督被譖為穎所殺機天才秀逸辭藻宏麗冠  
絕當世所著文三百餘篇有集十卷今存詩賦論  
議箋表碑誄一百七十餘首弟雲字士龍六歲能  
文與機齊名號二陸吳尚書廣陵閔鴻奇之曰此  
兒若非龍駒當是鳳雛年十六入洛刺史周浚召  
為從事曰今之顏子也補浚儀令稱神明畫像祀  
之歷清河內史大將軍右司馬與兄機同遇害所

著文三百四十九篇新書十篇集凡十卷機在洛  
嘗著懷土賦以見志及與諸昆弟相贈答詞頗悲  
愴

干寶字令升其先新蔡人父瑩徙海鹽寶勤學博  
識好陰陽術數為著作郎平杜弢有功賜爵關中  
侯中興後領國史累遷散騎常侍著晉紀三十卷  
稱良史又著春秋左氏義外傳註周易周官凡數  
十篇寶始不信鬼神著無鬼論後見所殉父婢十  
餘年不死悟幽冥之理撰搜神記三十卷劉惔以

嘉興府志 卷之三十一  
三  
為鬼之董狐

梁

到洽父坦齋海鹽人洽年十八為南徐州迎西曹  
行事洽少知名清警有才學士行謝朓文章盛于  
一時見洽深相賞好日引與談論每謂洽曰君非  
直名人乃亦兼資文武朓為吏部欲薦之洽觀世  
方亂深相距絕遂築室巖阿幽居者積歲樂安仁  
昉有知人之鑒與洽兄沼漑並善嘗訪洽于田舍  
見之歎曰此子日下無雙遂申拜親之禮高祖召

為太子舍人御華光殿詔洽及沈

洽後弟

琛任昉

侍讌賦二十韻詩以洽辭為工賜幣與陸倕對掌  
東宮管記普通元年入為吏部郎請托不行遷御  
史中丞彈糾無所顧望號為勁直

陳

顧野王字希馮海鹽人榮之後家東顧亭湖祖子  
喬父烜俱有儒術野王七歲讀五經知大旨九歲  
制日賦領軍朱异奇之十二歲隨父建安撰建安  
地記及長徧觀經史精記默識天文地理著龜

侯龜篆奇字圖畫無所不通父卒憂毀不勝喪聞  
侯景亂遂募兵援都天嘉中仕至黃門侍郎光祿  
卿卒贈秘書監右軍將軍所撰玉篇輿地志各三  
十卷符瑞圖顧氏譜傳分野樞要續洞略一百卷  
國史傳二百卷皆未就子安饒鴻臚卿

顧越字允南鹽官人祖道望父仲威家世儒學越  
少孤勵精博極微奧兼工文藻除五經博士朝廷  
疑義多所取決越以官僚未盡時彥宣帝且有奪  
宗之心疏言太子天下本養善春官輔弼丞疑本

極時選至如文宗學府燕紫正人常使晨遊夕  
則非僻無從而入廢帝拜越散騎常侍兼中書舍  
人黃門侍郎所著毛詩老子孝經論語等義疏四  
十餘卷詩頌碑志賦表二百餘篇

唐

顧况字逋翁海鹽人居橫山善屬文工畫至德二  
載進士與柳渾連渾秉政不舉况又與李泌善泌  
相亦不舉久之稍遷著作佐郎為有司所排貶饒  
州司戶累歲脫廢無後北意結廬茅山號華陽真

嘉興府志 卷之三  
逸壽九十卒有集十五卷皇甫湜序之子亦能讀書一覽成誦好辨說氣賦凌轢為衆所抑久不第然名在朝野長慶中放榜非熊復下第穆宗怪之詔有司進所試追榜勅賜及第大中間歷盱眙縣幕父風素官亦隱茹山或傳非熊得長生術云

宋

謝炎字化南嘉興人為文慕韓柳與盧稹齊名稹異懦炎勤急反相厚善時稱盧謝端拱初舉進士補昭應主簿徙伊闕連知華容公安有集二十卷

呂渭老字聖求嘉興人有文行宣和末為朝士有集行世

李如篋字季牖崇德人博學多文所著有東園叢說晚以特科補官

呂仲庚字申伯嘉興人精學能文第進士官至大理正所著有九山集

元

張伯淳字師道崇德人少舉童子科與趙孟頫為中表人品亦相望後以孟頫薦入見世祖問冗官

風憲鹽茨楮幣伯淳對皆稱旨命至政事堂將重用之固辭遂授翰林直學士謁告歸卒有文集若干卷藏于家葬縣西北一十七里孫炯武康縣尹築渠堰禦水患民賴其功終湖州知府

朱炎崇德人五歲誦詩書七歲能作韻語十歲屬文及長博極群書有重名傷元亂隱居終身

皇明

江漢字朝宗會稽人有文行元季嘗客吳中經崇德濮氏延為上客留數載洪武初召為翰林院編

脩嘗應制賦詩賜緋袍後請老仍居濮院

周鼎字伯器嘉善人少警敏書一覽輒成誦既長以文學知名時有尚書金公征閩寇過嘉興鼎以布衣謁見金大奇之辟置幕府預參籌畫號令文得皆主之當以功上會金與他使者不協抑授冰陽縣典史未幾淮民饑奏請賑濟忤當道意遂罷歸鼎為文嚴整峭厲援筆立就尤工於詩浙西文士淵藪猶推鼎絕句為江南獨步一時學者多宗之所著有土苴集十卷行世

周澤字天兩嘉善人博學者才為文清婉詩亦工  
絞雖不多作每一言出人競膾炙之成化癸卯領  
浙江鄉薦第一登進士任襄陽府推官三年獄無  
寃滯陞福州府同知尋轉贛州卒

范言字孔嘉秀水人嘉靖丙戌進士居官阻抑自  
蒲折令改學博歷國子監丞陞大理府同知致仕  
言博綜經史善屬文里中以為嚆矢時比部彭輅  
以文辭相頡頏范宗韓歐有體裁彭閱肆綺麗出  
入史漢兩家各負氣不相下說者謂范馴謹而彭

文肆質窳落拓不羈卒自困以老言所著有菁陽  
集

湯日新字懋昭秀水人嘉年銳志為醇儒時藝爾  
雅膾炙海內嘉靖庚戌魁南宮所至執經問業戶  
屢常滿宰分宜有惠政邑人貌祀之累陞兵科都  
給事中多所建畫然性醇謹弗敢甚引當否仕至  
通政以自陳免歸

郁天民字玄仲嘉善人性穎異讀書過目不忘督  
學五清劉公擢冠八學後厭薄舉子業肆力於古

文詞為詩援筆立就博極羣書於國家典故尤習著述頗富

項元淇字子瞻秀水人生有至性狷介寡儔不治家人生產居恒博學嗜古於書無所不窺工詩詞尤好臨摹古法善草聖每遊戲翰墨尺幅數行人競寶之嘗以貲拜上林丞非其好也遭內艱歸墓田丙舍卒歲食貧親知貴顯或遺之卻弗受時與騷人衲子往來唱和譚名理蓋超超玄箸云季弟元汴博物好古尤精繪事家藏丹青墨跡每欣喜

意得輒摹臨題咏其間自命墨林山人

劉杰字季俊海鹽人幼穎敏讀書過目成誦初學禮於許伯全復受尚書于邵宏譽後棄舉子業專意學古通聲律書數長于詩文成化改元徵杰修英宗實錄晚年著作煥然德器淳雅卓為鄉士夫儀矩

沈燭字世明嘉善人性端嚴嗜學鄉舉後跡不入公府亦不事家人生業再上公車凡道路費悉謝弗受家居動遵古禮日闔戶手一編伊吾不輟與

弟焯相友善所著石聯遺稿行世子士立亦能詩  
武功

五代

高彥海益人事吳越錢氏征討有功奏授湖州刺  
史性淳厚政務簡便後復領費州刺史

朱行先字蘊之海鹽人猿臂燕額嘗從吳越征討  
累功歷檢校尚書右僕射佐正匡國功臣

梁

趙伯超嘉興人太清二年吳郡信義郡為侯景所

後

餘郡縣皆望風披靡伯超守錢唐其城堅不可

宋

王子武宣和初為統軍睦寇方臘作亂橫行州邑  
殺平民二百餘萬莫敢挫其鋒來攻秀州陳于城  
南未一舍衆六萬號十萬子武與郡守宋昭年以  
邑城孤軍當之斬首五千築京觀五賊乃退據臨  
安不敢北向以窺江淮者由子武之功能遏之也  
輔達本慶源人南渡家崇德有勇略屢立戰功紹

興未樞密葉審言視師江上集諸將問計請據瓜  
州逵以為非計乃陳萬全之策不從已而王師果  
敗如逵所料乾道中任後軍統制以戰圖進孝宗  
問屯田事宜逵以笏就地指畫上曰欲以邊郡處  
鄉能勝任否對曰當以家法治之上問何謂家法  
逵對曰保安軍民愛惜財賦上嘉之除知泰州  
皇明

李文榮嘉善人歷北平太僕寺寺丞謫戍北平遇  
靖難以守城擢江西叅議賜以奉天征討鐵牌一

命部內寇發隨宜誅勦既而入覲賜襲衣致仕  
楊真義崇德人洪武初由軍校以討張士誠功陞  
錦衣衛指揮

鈕正嘉善人以從靖難功歷官至留守衛指揮  
彭程海寧衛指揮僉事素負膽畧知天文正統間  
隨征閩寇鄧茂七景泰間從征浙寇葉宗留累立  
戰功陞指揮同知

正海寧衛左所正千戶正德間解軍器之京遇  
寇奮勇射退次滄州首寇劉六劉七臨境守臣欲

遁正激以忠義適胡世寧行次正遂協守與寇持  
八晝夜寇不能犯尚書張縉疏正功後從征開常  
深入被害贈明威將軍子潮陞指揮僉事

陶炳海寧衛左所百戶高談善射正德初蘭鐫間  
一劍談冲隨舉將才從征開常累征蔡六二王浩  
八陳邦四俘獲甚夥陞正千戶乃顏其堂曰瑞劍  
呂塘崇德人正德間由錦衣衛校尉以捕盜功陞  
陞副千戶

楊昇由小旗立功陞授羽林衛指揮世襲

張淮太僕張敏之子儻有大畧正德間蜀寇猖  
獗太僕兵備利綿有廖麻之難將軍聞變馳入願  
與父同死侃侃陳利害賊壯而出之後數從太僕  
軍中戰通江門鎮有新獲功別從延綏參將張鳳  
征倒塔兒等處斬首虜四人時由開楊公一清行  
邊甚重之授嘉興所正千戶例進蘇州衛指揮  
同知嘗建會龍橋以鎖郡城諸水有關風氣云  
金卅嘉善人卜秀少諸生喜讀淮陰睢陽  
事必讀漢書立功遂棄而學武龍韜虎鈐無所

嘉興府志  
卷之三十一  
三十一  
窺尤精著數能笑計見效會島夷內訌賈勇先  
登制府檄為開謀嘗從戚大將軍行間多所俘獲  
果軍功官至參將已居家穆然儒雅不知其為故

云

休文治魯為府胥坐舞文成遣閩中奪跡行伍官  
至總兵歷漁陽上谷開捕斬首虜有功其後虜闌  
入弗及收保上功幕府不中率卒被劾瘦死請室  
朱先原籍秀水讀書不成棄學劔督力膽氣干人  
遠易有封狼居胥意嘉靖間胡少保懸賞格購倭

首先所手刃凡數十盡以其首級獻而曰丈夫意  
在立功何以賞為胡公奇而用之歷疆場凡四十  
年累官總兵絕聲使之好亦不置田宅園圃輕裘  
緩帶有古儒將風

馬繼武呈圖子父沒之後每以父讐未報為恨萬  
曆八年四月內有倭船泊岸繼武親督官兵戰於  
西磯海洋犁沉倭船生擒倭奴一十名親斬首首  
徯戍郎首級壹顆又於大陳洋岐外生擒倭奴二  
名斬首一十七顆師旋松門設父呈圖神位集前

後倭首列祭於前慟哭再拜以報父歿之仇移鎮江南地方副總兵官佐督撫周繼平劉汝國亂累陞右軍都督府僉事提督大教場水陸官兵總理備倭等務卒于官

嘉興府志第二十一卷終

季冬朔日覆校

嘉興府志第二十二卷

賜進士中憲大夫知嘉興府事安成劉應鈞重修  
賜進士奉政大夫南刑部郎中郡人沈堯中編纂  
賜進士朝列大夫南國子祭酒郡人馮夢禎參攷

嘉興縣學生員

胡戴元 校正

隱逸

晉

韓績字興齊其先廣陵人避亂居嘉興父建仕吳至大鴻臚績好文學以潛退為操布衣蔬食不交

當世東士並宗敬之司徒王導辟為掾不就會稽  
內史孔愉疏薦詔安車束帛徵之不起卒于家  
何準字幼導廬江潯人穆章后父也寓家海鹽弱  
冠知名州郡交辟不就兄克驃騎令準仕對曰第  
五之名何減驃騎蓋準第五也克後居宰輔權傾  
一時而準散帶衡門不與外事徵拜散騎郎卒不  
就後追贈金紫光祿大夫加晉興侯子恢以非父  
志表辭不受

齊

顧歡字景怡鹽官人六歲時父使驅雀田中歡因  
作黃雀賦不復顧雀食糶過半貧無所受業竊聽  
鄰人讀書悉記不遺傳吳興郡元之經學開館受  
徒常百餘人母喪水漿不入口者七日廬於墓次  
太祖踐祚迎歡稱山谷臣顧歡表曰道德綱也物  
勢目也湯武得勢兩道則祚延秦項忽道任勢則  
身戮一 百十日王掛 賜臣志盡  
幽深 勢請 賜一 文義三  
十矣

宋

蘇洵元平觀天學亭人咸淳間對策於官言時事

對如... 長賈似道不使登第補六學生代革不

任二湯... 御史程... 夫本詔搜賢或薦國光輒

在明稱疾以經史自娛及卒遺命題其墓曰安節

美因... 之... 深於經術有用世之志值元

亂遂隱海寧泉山

張德光嘉興人市居讀易一月睛突出乃用蕉葉

熨眼且熨且讀遂超然有得見黃冕仲黃曰如師

卦初長子帥師二弟輿尸三在師中吉極分曉光

曰作如此說宜其易也乃削簡盈箱布算縱橫所

謂八陣圖五花陣諸法無一不出于此冕仲駭服

元... 其... 衛富益華亭人尚書仲達之後徙居崇德宋亡日

夜悲泣設壇為文祭文天祥陸秀夫張世傑詞極

哀慘聞者無不墮淚嘗從許謙輩游許卒以義制

服有司數薦之以世受宋恩不出創白社書院講

善與可志

三

三

學訓後壽九十六而卒門人謚曰正節先生  
陸正字行正海鹽人今屬平湖正博學篤行通律  
呂象數之學舊名唐輔宋亡與族父霆龍以家世  
宋臣矢不仕元遂更名正御史數薦之不起隱居  
教授其學以慎獨存心為要所著有正學編學律  
考七經補註至治三年卒門人謚為靖獻先生立  
書院于陳山奉祀

黃玠字伯成與趙孟頫遊尤與黃潛善平生慕郭  
林宗黃叔度陶淵明之風不喜儲蓄有輒貸人晚

直兵亂益貧困處之泰然為詩冲淡夷曠後家奔  
山小隱吟錄知非舊稿唐詩選纂韻錄行世

吳鎮字仲珪性高介善畫山水竹石題詩其上時  
號為三絕富室求之多不得惟贈貧士使取直焉  
自號梅花 其兄原璋嘗從毘陵柳天驥講天  
人性命之學 珪亦嘗以易以詩武川推人  
休言多 其有嚴君平之風

皇明

沈於公字子甫其父漁隱公居吳興勝國之季一

朝棄妻子跳之五湖遂徙嘉興郡城之東水南  
有園常吟嘯其中自號南園居士後徙思賢鄉  
達好施後之林守慈川羅漢寺肖貌于大士之側  
萬曆中於山以令以鑄是存也故子仍處舊廬構  
有草亭玉夏大堂泉園其亭與子顏之郭草亭  
四字鑄以行  
孫固以貞雅性曠濶善談道辟署華亭縣學  
事與楊心建吟村友善嘗自扁其齋曰聽雪胡  
祭酒儻為之記著有聽雪齋稿以玄孫顏真贈尚

書

徐晟海鹽人性資穎敏經史墳典靡不周覽與朱  
祚俱以博洽稱王大祭衡按海上命取韻府老事  
得之眉間註云出漢雋詢知晟命延入禮教之問  
漢書數事詳對無失稱曰徐漢書所著有左傳摘  
事燕石存稿

沈鏐字大威少穎敏通經傳以父獨持門戶廼棄  
去舉子業為父任勞暇則輒取諸經史百家語誦  
之父命受辟藩司嘗丞七家嶺非其好也至官僅

閱月得父書輒嘆曰古稱愛日又云以道養親老矣吾寧繫斗粟為遂解官歸平生重然諾慎取與與人交無訑辭調容恂恂相下犯之不校有過每諷之使改隱不以言鄉稱長者年及耆即屏家政時泛舟湖上與諸長老為會觴詠優游晚謝客樓居二十年室無長物凝然終日內藏其精若常觀於其徼綿綿若存類古之知道者烏伯子光華字子英華皆以文學有聲庠校孫思孝舉進士任都察院右都御史兼兵部左侍郎協理京營戎政

施謐字安甫思賢里人幼穎異終日危坐壹似有所悟者迨長父母強為娶養親盡禮比歿哀毀骨立盡以其產讓諸兄飄然物外徧走燕粵歷五岳洞天福地無所遇還抵虎林於勝果寺遇異人張野翁得授瞿曇宗旨嘗居郡城西南隅窮巷都屋褊褐蕭然縉紳賢豪多樂與之遊戶屢常滿視之泊如也享年九十無病而逝

袁仁字良貴嘉善人父祥祖顯皆有經濟實學至仁愈邃天文地理曆律書數兵法水利之屬靡不

熟諳謂醫賊業可以藏身濟人遂寓意於醫崑山  
魏校疾召仁使者三至弗往謝曰君以心疾召當  
以咀仁義炮治禮樂以暢君之精神不然雖十至  
弗來也校疾愈訪仁與語三日大驚遂定交焉顯  
嘗作春秋傳三十卷祥作春秋或問八卷以發其  
旨仁復憫世儒溺胡而不信也作鍼胡編以闡之  
為文根本六藝片詞尺牘率關世教詩斐然逼唐  
卒之日沐浴更衣坐正寢呼筆題詩有附贅乾坤  
七十年飄然今喜謝塵緣之句投筆而逝

項鏞秀水人太學生禔身節儉甘澹泊居恒謝客  
讀書課子元濂領鄉薦偕計鏞與俱族人宦京師  
者強之謁選授閩藩都事曰吾少無宦情烏用此  
極楷為也遂殺檄而歸惟杜門株守以天年終  
郁泰初名從周自幼神骨清爽嘗闔門靜坐時時  
吟咏亦嘗整冠既為諸生登嘉靖乙酉鄉薦再上  
春官不第即棄去黻衲出遊或數年一歸省其母  
遂去莫知所之嘗至南嶽遇異人有所指授後遇  
張紫陽授金丹訣要乃還武林賣藥市中人無識

者莫曆壬午春期往建昌煉丹藥忽云吾丹道垂成而塵劫已滿吾將去矣遂默不言諸道侶守之索筆書云生天生地生物生人今生衆生遂瞑有詩賦一卷行于世人稱為雲陽先生

朱夢錫字水人初從羽士沉酣老莊已復潛心周禮品博士弟子尋棄去巖遊川觀或遊巖筆墨間羣山川草木人物皆入神品為人豪宕咄嗟塵世滑少東方朔志慮似郭有道高潔似徐孺子或謂不簡兮玩世之風

銀

丁逸之嘉興人生有異徵長而異嗜屹屹

字

每月刻書絕人博通經史

百家之

一

古文詞藝著述盈箱

碑梅竹

讀書其

流務瀛道人

如也手

標勳

心法自為妙興隸章草行楷

山經水

口鼻語禽言百牛篇其為詩林楓海百十

餘味好事贈送酬和者百千餘家以是垂老如倦

色羣態多辱駭以應相國貽書欲歸布衣文至

欲去徵士禮見疾只應負氣甚快能賑人急濟人

疾邑常有重後岷不勝楚破產脫七郡父老數十  
萬爭為尸祝窺其神襟博奧宏新若羅武庫披宛  
之藏所著夷門廣牘一百二十卷江左周郎藝苑  
一百卷追和賦海補遺十二卷咏物詩十卷追和  
陶詩四卷宮詞五百首梅花百詠一卷周氏繪林  
帖二十卷螺冠子帖八卷蘭亭圖大士像羅漢像  
方壺勝會圖二十八祖石刻六卷行世王世貞呈  
甫方文嘉劉鳳徐中行吳國倫茅坤屠隆董其昌  
皆為莫逆交相國葉向高穎其門曰海內高士

屠孟玄字伯玉諭德公伯子穎悟絕人博通經史  
諸子百家之言諭德公以國器期之公亦自負益  
勵志讀書以大父康僖公蔭讓之庶伯之子鈞三  
入棘闈竟不一第遂棄去精心課子謙登隆慶戊  
辰進士選比部司理淮上轉入吏部公膺褒封人  
以為華而公泊如也角巾短笻日與昆季徜徉于  
山水間每出入乘小舸一編自適公府慕其高誼  
有欲見者輒謝不見人比之五柳先生云  
流寓

嘉興府志 卷之二十一  
施廷字君子沛園蘄人寓海鹽明五經旁通星官  
風角家貧嘗任作半邏亭食其力以養母人不識  
也山陰馬敷為吳郡督郵過亭廷持筭往敷知其  
賢下車謝之推食解衣與之錢不受順帝初徵拜  
侍中位至太尉

王昇字逸老京師人草書奇偉宣和間入御書院  
補右爵南渡時居崇德之羔羊高廟畱神翰墨近  
臣有言其能者召對賜以劄書褒賞眷異官至正  
使

江珪字伯持本嚴陵人父邈吏部侍郎紹興中春  
祠寓樵李以父恩知六合字凋瘵有恩通判瓊州  
撫御群黎安靜無擾移知梧州夏潦江暴漲民廬  
漂蕩珪拯溺賑饑全活甚衆弟瑒字鳴玉嘗使虜  
錄功知饒州妖人孫牧執左道惑衆收捕之被旨  
褒加除直秘閣提點諸路坑冶鑄錢地產登耗治  
鑄利病悉究源委知辰州  
常同字子正臨邛人政和末上舍及第建炎初除  
侍御史有直聲遷御史中丞忤秦檜以顯謨閣學

士出守湖州遂寓海鹽自號虛閒居士卒贈少師謚忠毅二子秣衿皆典郡有聲其孫濬孫詵孫濬第進士又舉博學宏詞為福州教授福人祠之朱敦儒字希真本汴人天性曠達以詞章擅名南渡寓郡城有讀書堂在天慶觀右

時檄字傳之彭城人建炎間家崇德歷知和州居官廉敏惠愛尤長於識鑑嘗擇壻得湖州張孝祥及同邑莫元忠時元忠處約辭以非偶檄笑曰莫子當為令人豈久貧約者卒妻之後孝祥元忠皆

及第為時名士

陳與義字去非汝州葉縣人鬼時已有文名政和初上舍甲科宣和中徽宗見其賦墨梅詩遂登冊府歷徽猷閣直學士知湖州紹興間掌內外制參知政事以任道德尊主威振紀綱為務乞外除資政殿學士復知湖州卜居崇德青墩鎮與義不妄言笑接人甚和而中不可犯薦士不使人知為詩體物寓興與陶謝韋柳相上下崇寧後風雅幾廢與義獨以詩名中興有簡齋集二十卷行世

嘉興府志 卷之三十一  
顏復字太初本曲阜復聖公裔宋禮部尚書建炎  
扈駕家崇德石門鎮北子孫自為村落名陋巷村  
葉時字秀發本仁和人第進士歷事四朝官終龍  
圖閣學士操履端方博學善屬文邃於周禮晚居  
嘉興著禮經會元及竹塹詩集行世卒謚文康  
王明清字仲言本汝陰人銍之子慶元間寓居嘉  
興官至朝郎有史才嘗著揮塵錄及玉照新志行  
于世

李鳴復本瀘州人寓居嘉興之東門理宗朝拜參

知政事後為福建安撫使子祠卒於嘉興子公夫  
公晉皆典部

趙孟僖宋宗室其先家黃巖文天祥見之曰瑚璉  
器也其後天祥開闢江東浙西俱辟以行及召赴  
闕孟僖畱吳中僅五十日宋亡元兵執孟僖欲官  
之固辭以疾遂去吳依親友以居絕口不談宋事  
游情佛老號三教遺逸居嘉禾及天祥卒為文祭  
之慟絕復甦臨終口占曰王室之懿文山之客千  
古忠赤端坐拱手而逝所蓄詩文名湖山汗漫集

嘉興府志 卷之三十一  
黃正孫字長孺本慈谿人宋宗正少卿震之孫宋  
已絕意仕進徙居嘉興之魏塘文行為學者領袖  
年八十一而終黃潛銘其墓

錢顛字道安無錫人治平末為殿中侍御史熙寧  
新法行顛極言其弊坐貶徙秀州遂分居焉家貧  
毋老每貸親舊以給朝哺怡然自如

陳世昌本錢塘人力學古文元至正初由布衣入  
為翰林編修代祀海上值道梗遂畱嘉興授徒養  
母張士誠據平江屢致不屈本朝洪武初徵修禮

書授太常博士尋以母死 歸後復徵至京而卒  
所著有希賢集

高巽志字士敏本蕭縣人元末寓嘉興師事宣城  
貢師恭鄱陽周伯琦遂昌鄭之佑為文有規模成  
一家言以薦起鄒山書院山長洪武初徵修元史  
為翰林編修累官至侍講學士太常少卿卒謚文  
忠弟正志字士表濮州同知以清慎見稱

高岳字彥高本畏吾氏高昌裔也大父仕元為江  
南行臺御史中丞岳博洽有才華儀容秀整人望

而敬之工草書丹藥卜筮之術咸究識之洪武間薦知雲南縣免官寓家郡城又嘗寓魏塘云

徐一夔字大章天台人博學善屬文學士危素薦為建寧路教授元末夔避地嘉興洪武初徵修元史終杭州府學教授以文行推重當時有始豐藁行世

夏尚字時正以字行更字季爵慈谿人宣德間嘉善建學缺弟子員尚自仁和諸生來補後登進士仕至南京大理寺卿博學強記詩文書法皆冠一

終守其節嘉靖間知府蕭世賢上其事評表異之陳紗善海鹽沈端妻端死時陳方二十四孀居四十年無改其志

常氏嘉興高霽妻年二十有一歸霽僅九月霽死生遺腹女又死常之祖母隋固節婦也因扁其室曰繼節矢曰上當不媿吾祖下當不媿吾夫乃常夫弟之子為後卒能信其言焉

糜氏嘉善陸衍妻年二十衍卒初衍病革注目於糜者久之糜泣曰君疑我耶遂毀容示衍既而撫

嘉興府志 卷之三十三  
遺孤取婦周氏孤復死延與周相依以居稱雙節  
云

趙靜端崇德衛蘭妻年二十七而蘭死時衛氏中  
衰遺孤在襁褓或勸之嫁靜端指并誓曰此并可  
改妾心不可改苦節五十餘年正德間知縣洪異  
扁曰貞節

馮氏海鹽徐驛妻嘗與驛剖股救親驛蚤亡後任  
自活九十而終

陳氏秀水包愈妻年二十一歸愈暮而寡遺腹甫  
時居官亦有譽望為刑部郎中時有獄不決者咸  
願就夏折之晚歲文益工營巢居閣于西湖所著  
有瀛嶼稿家禮若干卷

施懋字以德應天府人善詩文字有蘇法以鄉貢  
授龍泉學諭改訓北京武學陞孝豐知縣致仕官  
無全賞家無畱業挈其妻子寓秀之醋坊橋懋嘗  
從南都侍御戴簡庵學乃與其子經為忘年交後  
以詩歌相倡和往來益密遂相依而居年七十七  
以壽卒經為營葬于大彭之野

孟觀亞聖五十四代孫祖孟忠厚扈宋南渡封信  
安郡王賜第姑蘇子孫遂為吳人國初觀應人才  
詔授永寧知縣有治行陞吳府審理副避兵寓于  
嘉善之清風涇後白于官建亞聖祠給裔孫衣巾  
守之

王輔字時佐海鹽人宣德中父聰謫戍遼東廣寧  
生輔幼有英質讀書過目成誦成化乙酉山東中  
式居嫡母喪葬盡禮哀戚鄉閭服滿授刑部主事  
為人沉毅敦朴鞫獄詳慎人皆稱平卒于京歸葬

海鹽曾孫王家棟登萬曆甲戌進士  
朱孟德海鹽人寓陝西寧夏衛中永樂戊戌進士  
任鄭府審理改廣東興寧知縣善詞翰子俊中天  
順壬午鄉試任河南扶溝知縣  
俞綱字宗正嘉善人寓籍上元為諸生改隸順天  
舉修 宣廟實錄歷中書舍人邨王受封簡輔導  
詔綱侍講歷陞太子少保兼兵部侍郎改南京禮  
部為人和厚縝密無疾言遽色謹身率職稱為長  
厚君子子文煥以蔭為福寧知州

薄淳海鹽人寓貴州普安衛中成化戊子鄉試雲南鶴慶軍民府推官

沈階海鹽人寓直隸永平府灤州中順天府成化癸卯鄉試陳紀海鹽人洪武間遷居南京中成化乙酉應天鄉試

沈藻海鹽人寓成都護衛中成化乙酉四川鄉試任陝西西安府教授

張正海鹽人寓雲南鄉試第一登成化丙戌進士任南京戶部郎中陞福建建寧府知府

張渭海鹽人寓陝西蘭州衛中成化丁酉鄉試黃泰海鹽人四世祖紹宗以舉人任陝西王府教授授寄籍咸陽縣泰遂于陝西中式嘉靖丁未進士陸宗淵嘉興人寓貴州中嘉靖辛酉鄉試官刑部主事

嚴清嘉興人大德間徙雲南父鍊潛心醫術多起人危疾清舉進士清苦自持歷官吏部尚書祖墓在東關外官為建坊扁曰慶流滇浙其族好即給事嚴從簡也清卒謚曰恭肅

嘉興府志 卷之二十一  
張慎字仲修世居常州遷嘉興性孝友苦行力學  
洪武初為監察御史見事廷諍朋友有過輒面折  
之以行部海南奏誅衛使張榮坐不避八議罪謫  
瓊州安置後召還

張文憲字廷鑑其先崇德人洪武開曹祖光顯充  
肅藩護衛旗後遷京師因家焉公生而岐嶷七歲  
即善入法以神童薦於朝 孝宗親試乾坤二大  
字稱旨送翰林院讀書給以廩餼一時名公巨卿  
俱呼為小友嘉靖癸未進士歷官至工部尚書端

凝詳慎正直不阿出入禁秘四十餘年侍經筵修  
國史玉牒凡諸綸綍多憲屬草前後蒙賜御製諸  
書金幣不一舉朝榮之然嗜義樂施悉以分給親  
故弟姪同居聚食綽有公藝風辛酉以旱災自陳  
欽命以禮致仕囊無餘積晏如也年八十有七卒  
上悼之遣官諭祭命有司治塋域又令刻爻山文  
集都城爭珍襲之亦曠世渥典云今嫡孫仍歸崇  
趙文華字原實慈溪人因娶項氏遂居秀水嘉靖  
間島夷內訌文華奉命祭海後復自請督戰遂以

嘉興府志 卷之三十一  
工部尚書兼右都御史提督軍務時徐海陳東麻葉擁衆數萬分寇江浙暴骨如莽總督胡宗憲用間啗海縛陳麻二酋而海引衆乞降衆議撫之便文華曰一日縱敵數世之患也今以款去而後乘虛復來誰執其咎于是部署諸將并力攻之賊盡殪自是江南始無倭患雖宗憲定謀而文華實主之國史載其憑藉分直揣結上意以睚眦傾張經李默為人所切齒平倭後驕盈愈甚卒取禍敗然其功固不可泯云

張汝賢嘉興人寓北京武功衛中萬曆甲戌進士湖廣辰州知府

吳國倫原貫嘉興以祖戍湖廣興國州遂家焉生而穎異善屬文年二十六省試第一次年登進士是時都下有七才子齊李攀龍謝榛吳王世貞宗臣徐中行南越梁有譽而國倫則楚才也以著述自喜籍甚縉紳間歷宦燕及東楚閩粵貴竹大梁足跡半天下以故詩文獨雄年五十四謝方岳歸卧林下遠祖墓在虹橋東畔有感舊詩

醫術

嚴子成字伯玉其父秋蟾自河南買藥秀州遂家  
焉伯玉益精父術趙文敏公遘疾已殆伯玉診治  
翼日迺瘳文敏繪孫思邈圖遺之

蔡孟熙桐鄉人知藥性善方脉兼工詩文以醫舉  
授越府良醫公卿多愛重之戶部尚書廬陵周公  
忱有記

徐樞海鹽人其先宋濮陽太守熙遇異人授以扁  
鵲神鏡經頓有所悟遂以醫名世父號神翁元海

鹽州醫學教授樞少傳其術兼學詩于會稽楊廉  
夫會天下亂晦迹田里洪武乙亥年四十餘始以  
薦為秦府良醫正出丞棗疆召為太醫院御醫  
累奏奇績陞院使告歸展墓宣宗親賦詩送之  
年八十致仕有足菴集行世子彪字文蔚亦以醫  
名治代王及昌平侯楊洪病皆起于危殆遂擢  
御醫陞院判每入侍疾景皇嘗問藥性遲速對  
曰藥性猶人性也善者千日而不足惡者一日而  
有餘問攝生對以固元氣隨事納忠類此

履祥號採芝海鹽人精醫洪武間受知高皇  
擢太醫院御醫成祖尤加眷遇巧于切脉隔歲懸  
斷不爽董穀撰傳

陳以誠嘉興人善詩畫尤精于醫永樂間應薦隸  
太醫院累從中使鄭和往西洋諸國擢院判歸卒  
有詩云九重每進千金劑四海曾乘萬斛船迄今  
道之

爰珪字廷肅魏塘人精于醫治疾有奇驗一婦姪  
及八月卧不語衆醫歛手珪曰此內經所謂瘖也

十月當不藥自愈又有男子請診珪曰此疾不致  
死然脉無生理過三日當投劑期內忽溺死人咸  
異之其精妙類是名動浙右無子贅吳江袁祥以  
保嬰為業祥之子仁俱以善醫名珪所傳也

姚能海鹽人晚號玉冠道人少習舉業屢不利棄  
去攻醫好吟咏每談論歷奪滿坐著醫書有傷寒  
家秘心法小兒正蒙藥性辨疑

朱儒字宗魯其先吳江人遷秀水昆弟四人儒析  
產讓弟自用醫顯已入都會大疫所甦起亡算貧

者皆不受直選授太醫吏目後績資為院使嘗侍  
疾禁中一日上御文華殿暖閣召儒切脉儒奏  
聖體病在肝腎宜寬平以養氣安靜以益精上首  
肯之自兩宮太后及后妃公主有疾率令中涓言  
狀從儒受方多效時有大官之賜故嘗曳裾公卿  
間恂恂儒雅絕無所濡跡縉紳爭為倒屣每里中  
子入都儒戀戀桑梓客死者嘗倡義經紀其喪人  
皆德之年七十有七而卒子國祚癸未科廷試居  
第一今為禮部侍郎

賀岳字汝瞻少業儒因母病求醫弗效乃盡購岐  
黃書誦之四方國手悉訪從遊遂精醫術母以壽  
康後鄉黨凡有疴厲爭迎岳視之圭勺一至隨手  
奏功著有明醫會要醫經大旨

方技

唐開元間數賜州縣大酺嘉興百戲角觝與司監  
競勝有囚善眩能以繩為戲獄吏乃白之監主召  
至戲場令効繩技其人躡躡捧繩可百丈許置地  
因引繩擲空中初高二三丈再四五丈若有人牽

而上者衆大譎異後乃投繩空中高十餘丈不見  
端緒其人隨繩騰上高二十餘丈如鳥旁飛遠颺  
望空而去竟不知其所之

宋賈宣伯有神藥嘗寓松江得巨魚置於罟中因  
投小刀圭藥魚引吸中即死取視得八足若爪利  
焉後吳江有怪士人謂蛇為孽宣伯以數刀圭投  
潭中明旦老蛇死浮於水而水蟲莫知其數其藥  
云受之閣皂山王天師止熬黃栢末以熱酒沃之  
別無他物豈仙方邪

陸晁嘉興人性疎逸善丹青曠多畫村野人物酒後  
遇筆揮灑畧不預構時南唐李璟聞晁名欲召之  
人謂其嗜酒無人臣禮璟由是疎之

李甲字景光華亭人作翎毛有意外趣海岳外史  
嘗稱之東坡題其畫曰郭恕先之後一人

詹希雅嘉興人妙于畫竹亦工李後主金錯刀書  
有一筆三過之法雖若甚瘦而丰神有餘喜作荆  
檟荒野氣韻蕭疎多得其趣非圖畫家繩墨所拘  
也

魯之茂號雪村海鹽人善畫梅竹宋寧宗朝仕為  
郎

趙孟淳字子真平湖人子固之弟繼秀安僖王後  
自號竹所梅竹可觀

元吳先生善易筮日惟一課得錢米衣肉共實一  
窟中時為人竊去不問也太學生無錫戴士先母  
病寧不能行七八年矣百計求愈疾不驗士先歸  
過崇德攜百錢訪之吳曰觀君寒士百錢豈易無  
用許自為撰卦成曰當得有道之士治之則可姑

蘇杲道人不為勢利所誘君純孝性敬求必如志  
士先抵蘇五旬逢杲道人欣然至無錫為戴母診  
視數日即能移步母拔金釵謝之笑曰且寄夫人  
處他時要用即取之但館我於外足矣館之歲餘  
忽言曰我且死幸鬻所寄釵以辦棺窆明日杲死  
戴氏奉其教及將窆中已空空矣吳蓋異人也鄉  
人尚能言之

朱碧山元時銀工也所製酒器極精巧如鰕盃璘  
盃之類不施藥鐸注酒自能流走至今人珍之

明冷謙字啓敬春波門內人洪武初為協律郎郊廟樂章多其所撰有友貧不能自存謙於壁間畫一門命其友入恣取金玉以出而不覺遺其引他日內庫失金守藏吏持引姓名迹捕之因并執謙謙渴求飲拘者以瓶汲水與之謙且飲隨以足挿入瓶中身漸隱拘者惶急謙曰無害第持瓶至御前拘者如其言上問謙瓶中輒應擊碎之片片皆應竟不知所在後有人于蜀中見之

盛懋字子昭魏塘人父洪甫善畫懋世其業山水書授太常博士尋以母死辭歸後復徵至京而卒所著有希賢集

高巽志字士敏本蕭縣人元末寓嘉興師事宣城貢師恭鄱陽周伯琦遂昌鄭之佑為文有規模成一家言以薦起鄒山書院山長洪武初徵修元史為翰林編修累官至侍講學士太常少卿卒謚文忠弟正志字士表濮州同知以清慎見稱

高岳字彥高本畏吾氏高昌裔也大父仕元為江南行臺御史中丞岳博洽有才華儀容秀整人望

而敬之工草書丹藥卜筮之術咸究識之洪武間  
薦知雲南縣免官寓家郡城又嘗寓魏塘云

徐一夔字大章天台人博學善屬文學士危素薦  
為建寧路教授元末夔避地嘉興洪武初徵修元

史終杭州府學教授以文行推重當時有始豐葉  
行世

夏尚字時正以字行更字季爵慈谿人宣德間嘉  
善建學缺弟子員尚自仁和諸生來補後登進士

仕至南京大理寺卿博學強記詩文書法皆冠一

人物花鳥之類種種臻妙始學陳仲美而畧變其  
法人謂精緻有餘特過巧耳其姪著字叔彰能全

補圖畫運筆着色與古不殊洪武中供事內府  
高皇帝異之著盛叔彰全畫記

王立本工畫山水人物師盛懋臨摹逼真  
范摹字行式涉獵經史善詩歌多藝能凡金石款

識篆刻書畫之類皆能著其時代辨其真贗工畫  
山水人物筆力瀟灑意趣幽遠

胡日章號樂素澈浦人嘗遇異人授以星術為人

推命每作絕句詩斷人貧富貴賤壽夭百不失一  
年九十六尤能燈下細書蓋有道而隱于術者方  
洲先生像贊曰百世之儒裔一鄉之俊傑  
海州司馬常敷適嘉興道遇釋子希遁深於繼生  
之術又擇用日辰可代藥石見敷鑷白曰貧道為  
公擇日更之越五六日僧請鑷其半及生色若驚  
矣凡三鑷之鬢不復變座客有祈鑷者且強之僧  
言惜取時差爽耳後髭色果微綠意其術出于  
甲故號希遁云

董常嘉興人工道釋像筆力細而勁拔

朱端字克正海鹽衛後所人寫山水可方輞川正  
德間以畫士直仁智殿授指揮俸欵錫一樵圖書  
朱俸字廉夫初游庠棄去攻字學考訂偏旁訛謬  
得六書旨精篆籀古文及漢唐隸法每做管夫人  
書七十二篆金剛經人珍重之

胡齋初名浚字元海陶庄人徙居魏塘賣卜于市  
言多奇中其學蓋得之同邑袁杞山其母即袁之  
始也二人相約遊金陵寓神樂觀提點姚一山偶

失金杯酷責其徒二人憐之占得剝之頤告之曰  
金在上中未巳也汝第從房之西南隅掘下五寸  
則得矣如其言果得杯永樂八年一山薦二人于  
上表稱疾不行胡至京卜無不驗賜令名免其匠  
後授欽天監漏刻博士上新作斲命之卜布算訖  
跪曰某月某日午時當燬上怒囚之以待至期倩  
獄卒覘視返報曰午過矣無火胡服毒午時正三  
刻斲果焚上急召胡死矣甚惜之賜馳驛歸葬  
其子四人旻昊昱昴皆業占筮而學盡魯孫昺遂  
以善畫各山水人物尤精命初下表為胡卜得乾  
之五爻表曰五屬君升陽在四子命又午也其有  
錫名之慶乎胡曰吾直壬午壬為水而午者子之  
衝也果錫名必不離水表曰非徒然也四為淵又  
值升陽而五居淵上淵而大者乎以草莽之臣踐  
五位終非吉兆五為火丁者壬之合也遇火則危  
矣後聞賜名瀟表大笑曰驗矣死不遠矣果因斲  
焚而卒

董仲敬善觀天文諳推步之法以術鳴任欽天監

嘉興府志  
卷之三十三  
二十五  
二九十五

挈壺正

蔡孟頫桐鄉人善方脉知藥性無工詩文以醫晉鳴  
舉授潘朧

張德剛西塘人父成與同里楊茂俱善髹漆剔紅  
器永樂中日本琉球購得之以獻于朝 成祖聞  
而召之時二人已沒德剛能繼其父隨召至京面  
試稱旨即授營繕所副賜宅復其家時有包亮亦  
與德剛爭巧宣德時亦召為營繕所副

嘉興府志二十二卷

終

嘉興府志  
卷之三十三  
二十五  
二九十五

不能一吾西鄰客國寶氏之居乃與古招提巋然  
而獨存其題梁歲月蓋創於宋咸淳初迄今百有  
餘年其材皆文樛赤杪然不斷椽不刺榑節椳無  
金圖碧綴綺繡錯之華材雖良而制則示後人  
以儉者也一日治酒食延予於其居請曰某居幸  
竊先生東壁一柱一誦聲相聞先生客寡至至無  
坐立所則折而入吾居寔先生之行窩耳其可無  
名予以其構為邑屋之古遂以古窩名雖就窩之  
古代不無也而居其高之人之古也為難客清曠

質直平生無二言三行蓋古之愚直人也。有子一文東，年來丁延碩師，與之處，持時謁，弄門問古籍，談古道學為古文章，則客之，尚古而援流於市井之人者，非徒一棟宇之古者也。吁！今之崇門奧室，金湯其垣池，鐵石其宮，藏文繡衣被地，居千金子，不下堂而近不聞一泄二世，矧能什百而世之也。今客居絲宋，迨今凡一歷世者五，而不夷於劫火，不散於勢家，夫豈偶然者？文正范公曰：祖宗積德百餘年，而始發於吾天，其或者陳氏後亦有與者乎？

嘉興府志第二十三卷

賜進士中憲大夫知嘉興府事安成劉應鈞重修  
賜進士奉政大夫南刑部郎中郡人沈堯中編纂  
賜進士朝列大夫南國子祭酒郡人馮夢禎叅攷

嘉興縣學生員 陸鳴鳳 校正  
呂孚 郊

閩行

漢

呂氏榮由奉人吳計昇妻昇少為博徒不理操行  
榮嘗躬勤家業奉養其姑數勸昇修學計昇有不

善輒流涕進規榮父積怨疾計昇呼榮欲改嫁之榮曰命之所遭義無離貳終不肯歸昇感激自勵延尋師遠學遂以成名尋被本州辟命行至壽春為盜所害刺史尹耀捕盜得之榮迎喪於路詣請甘心仇人榮乃手斷其頭祭計昇巨族多欲聘之誓不再嫁黃中賊陳寶欲穢之榮執節不聽踰垣而走賊拔刀追之曰從我則生不從則死榮曰義不以身受辱遂殺之是日疾風暴雨雷電晦冥賊懼叩頭謝罪殯葬之吳郡太守麋豹聞榮高行吳義婦墳云

三國吳

遣主簿祭又出錢助縣為塚於由拳郭里墟北名陸鬱生海鹽孝子陸績之女績守鬱林生名鬱生年十三適張白三月白遭罹家禍謫死吳郡陸苦節自終

唐

韋夫人南康王女叔適嘉興陸侃侃沒於官教子贊成大儒為名相德宗勅遣中官迎養夫人於京

嘉興府志 卷之三十三  
師道路置驛及卒皇后賻遺文詔中官護喪合葬  
洛陽當世榮之

元

陳氏嘉興人王忽都帖木兒妾也王為邳州管軍  
千戶納之為妾生一子而王歿陳時年二十七歲  
守節教子誓不再適事聞旌表

張氏嘉興糜正妻年二十六糜卒守志不移孝養  
舅姑教子二子為儒鄉里稱之貝瓊為作傳

柳烈女嘉興人父為縣吏至正間紅巾賊陷嘉興

烈女年十八與父母同竄為賊所得驅之行至河

澣謬以結襪賊不加防投水死金網作記表之錢

氏二烈者錢子順二妹也亦遇紅巾欲汙之二人

義不辱相與結裾投水死其嫂俞氏者子順妻也

年二十五生一子甫三歲而子順卒父姑欲奪其

志俞號痛誓死卒終其節時太守齊政奏表其閭

楊孝女嘉興人孝女無他兄弟事父母至孝既笄

欲嫁之女曰女恨身不為男事父母持門戶又忍

棄父母他適耶侍養終身不復言嫁鄉人賢之及

嘉興府志 卷之三十三  
卒立祠祀焉

禹淑靜崇德吳守正妻元季苗獠之亂淑靜夫婦避亂石門苗及之叱淑靜曰止不止殺爾淑靜度不免遂抱幼女投水以死明日得尸抱女僵立水中如生藁葬石門鎮守正還會稽亦死兵間遺孤德昂痛父母之死稍長祝髮為僧冀資冥福嘗廬母墓鎮人表為貞母阡徐一夔為之記

皇明

劉氏崇德濮貴一妻年二十八而寡誓不再適元

季之亂苗獠淫暴所過輒為汙辱劉能以智自全孝姑育子人無間言洪武中詔表其閭

沈氏嘉善薛宗永妻洪武初字永舉孝廉為監察御史失朝黜死沈年纔二十一無子有姑家貧躬紡績為養艱苦備嘗姑歿鬻衣葬之人稱節孝云錢昇母者崇德人佚其姓氏及夫名年二十而寡養姑教子詔旌表之朱逢著節婦詞

董淑真海鹽朱士廉妻贅士廉未幾而寡淑真年方二十四子敏學生纔九月董誓不易志迎養其

姑林氏以節孝終洪武中詔表其門

方氏崇德朱原震妻原震早亡遺孤八月父欲再適方以死誓孝養舅姑撫育其子辛苦終身洪武終表之程本立鮑恂皆記其事

顧氏崇德夏子昭妻顧歸夏六年年二十七子昭死遺孤在襁褓有愛子致養諭顧使自為計顧涕泣以謝顧奉終身後舅與夫弟又亡極力營葬中更亂離卒無汚玷洪武末表吳其閭

顧妙善嘉興縣呂嗣芳妻芳與伯子本相繼歿於

官仲子原甫八歲顧攜孤還鄉貧甚熒熒苦守課子讀書弱冠成進士廷試第二人以翰林院學士入內閣參贊機務顧臨終勉其子曰忠孝一道也而父若兄未竟之業惟兒善成之故文懿公立朝事績載在國史者得之母訓居多封太宜人享年八十有七尚書倪岳侍郎程敏政有碑記

莊氏海鹽陳思恭妻莊本泉南人思恭自海鹽客泉南贅焉思恭嘗客於海三年不歸人以思恭死矣諷之嫁莊斥絕之又二年而思恭歸未幾復去

竟死於海諷者復來曰今固可嫁矣莊絕之愈甚  
時年二十五廼自泉攜其孤彥廉歸海鹽撫之成  
立莊以壽終高季迪作詩美之

蔣妙安海鹽丁麟妻麟為御史蚤卒妙安年二十  
四節操凜然壽九十餘卒

徐氏妙真海鹽張谷起妻年二十九而寡生子甫  
一歲誓靡他志永樂初鄉里列其行詔表之

朱玉蓮崇德周璵妻歸璵甫七月璵亡遺腹生男  
時年二十舅姑又逝身舉三喪撫育遺孤焚築寡

居至親罕覩其面夫妹周氏嫁費遜一月遜死年  
纔十九喪葬禮畢歸與玉蓮同居自名曰繼貞  
徐孝女者嘉善徐遠女也年六歲母患臙瘡甚孝  
女問母何得愈母謾曰兒吮之廼愈孝女遂請吮  
母難之孝女悲啼不已母從之數日果愈

魯洲清海鹽楊彥璋妻洲清世居海鹽其父彥中  
徙餘杭而嫁其女於故里楊氏永樂丙申夏倭夷  
犯海鹽武原鄉擄掠男女淑清亦在擄中度不能  
脫置兒於路傍泣曰天不絕我後幸活我兒潮至

遂躍入水以死時年二十一  
沈氏崇德譚弘妻年十七歸弘三載弘卒遺孤甫  
歲餘晚姑陸氏在堂有親子婦素不愛沈有老奴  
為陸謀去沈而併其產於親子婦日括其資裝罄  
盡無難色奴又謀圖其孤沈懼携歸父家鞠焉久  
之陸悟棄奴收婦而還孤析產與親子婦等沈年  
八十有餘而卒

張氏嘉善李文遠妻年二十八而娶父母將嫁之  
張泣曰有死無二父母不復強孀居二十八年宣  
德間有司以聞詔旌異之

隋氏雷州守常士昌妻隋氏文登人父知縣隋海  
適士昌士昌秀水人守雷州卒於官隋年二十六  
聞闕扶觀萬里歸葬勤儉業家教其子皆成立垂  
五十年如一日知縣莊澈以聞表其閭又裔孫常  
淇妻金氏常禾妻張氏常策妻高氏皆少年守節  
人稱為世節云

平氏平湖沈宏妻年二十一而宏卒遺孤甫一歲  
室如懸磬姑且再白親戚勸之嫁平絕之曰妾苟

嘉興府志 卷之三十三  
二志老姑弱息誰托耶因慟不自持衆知其不可  
奪不復勸卒能養姑以天年終教子成立事聞表  
之

胡門雙節者平湖縣學生員胡善妻戴氏及弟慶  
妻萬氏也善慶俱蚤世戴年二十二無子萬年二  
十七有一男一女相與謀分育之更相為命事聞  
旌異之

王妙真海鹽沈裕妻裕死王年二十有一守節終  
身

顧氏嘉善郁震妻嫁震甫二載震亡未幾震父又  
亡遺孤甫一歲顧奉姑依母以居曲盡孝養成化  
中詔旌表之

周福蓮海鹽姚璠妻年二十二而寡生一女甫八  
月父益經欲奪其節福蓮以死為誓父怒詈罵逼  
之福蓮悲慟顧女曰兒安歸乎少選父索之不得  
已抱其女赴水死矣俄得屍子母抱持如生張寧  
為立傳

趙貞女秀水蔡士能妻性聰慧年二十八喪夫遂

屏去華飾誓死自守教子持家家裕子皆有成事  
聞記旌之

沈淑廉海一萬衡妻年二十一衡死守節終身成  
化中詔表六門

陸妙端海鹽劉璽妻百戶陸義之女也年二十七  
夫亡守節四十餘年弘治初詔表其門

向妙廉海鹽費達妻達早卒妙廉年二十三勤苦  
持節白頭如新成化中事聞表之

李阿妙桐鄉高逾妻年十八生子熊方晬而夫亡

家貧舅姑復繼歿依其母吳氏以居母諭之改圖  
輒慟絲母不復強熊既長娶曹無子李為熊娶妾  
陸氏甫得子而熊又亡曹與陸亦皆勵操事姑撫  
孤兩世三節鄉黨異之

駱玉潤海鹽胡繼海妻繼海死玉潤年二十餘貧  
無以存苦節不可奪孀居六十餘年壽至八十五  
弘治初詔表其閭

朱妙真嘉善沈嗣興妻時年二十夫亡僅遺一女  
即自誓不再適持身冰蘖壽八十有四

嘉興府志 卷之三十三  
沈淋寧崇德方瑄妻年十九歸瑄纔十八日而瑄  
亡淑寧痛哭幾絕而蘇舅姑貧令歸依母母以其  
年少無子潛以許人淑寧知之給其母往外遂自  
縊死楊循吉為立傳

徐氏崇德胡清妻年少而寡遺孤尚幼母兄欲奪  
其志不從孀居四十九年弘治初疏聞未下而卒  
周桂蘭嘉善俞傑妻年二十七傑亡家貧子幼父  
欲奪其志桂蘭哀慟不從教子澤舉進士有司以  
聞未及表而卒

沈妙智海鹽鍾昇妻年二十九娠四月而昇卒妙  
智蓬垢慟絕執喪成疾後六月子景辰生歲饑俯  
仰無賴或諷之嫁哀哭怒罵堅志不回年九十三  
而卒

路氏嘉善倪墳妻墳縣學生蚤世路年二十三誓  
不再嫁撫孤成立

王氏徐潮妻陳氏沈珉妻王氏張鎮妻俱海鹽人  
俱二十歲而寡撫孤全節鄉里稱之

宋氏平湖陸瀾妻歸瀾逾年瀾亡宋年二十一遺

嘉興府志 卷之三十三  
姪子亦亡父母曰此天意也宋誓死不從事舅姑  
撫夫幼弟有司上其事表異其廬

勞守貞崇德費敏妻年二十三而寡舅姑俱歿家  
徒四壁守貞抱節無玷有司上其事未報年七十  
九而卒孫氏郭彥昭妻少年苦節事聞建坊  
郁紗真嘉善呂益端妻年二十四益端死無子紗  
真孝奉舅姑為夫立後守死不貳鄉人稱之

胡氏海鹽吳益完妻完死胡年二十有五守志教  
子昂學儒娶楊氏昂亦死婦姑相守一節知府陳

### 琳傳其事

沈氏嘉興知府馬輿之繼室也貞靜有至性輿壽  
考終而沈年尚少無子悲啼不絕聲八日夜自經  
死

梅氏嘉興顧燁妻四川提刑僉事梅江之女江擇  
壻得燁以女歸之燁字耀卿第進士有志行為給  
事中能舉其職早世梅即不食而死

張氏陸禮妻名玉蘭族居吳江適禮禮嘉善人張  
年十九而寡事其舅姑絜絜子立終無他意

石門丐烈婦者湖州人莫詳其姓氏正德庚午湖民大饑婦與其夫及姑走崇德石門市乞食相失婦有殊色市人爭挑之與之食不顧誘之財亦不顧寓東高橋上不復乞食者二日伺夫與姑皆不至聚觀者益衆婦乃從橋躍入水中以死一市人皆驚愕惜之

孫氏平湖張昊妻年二十四歸張纔八月昊已誓無易志姑陸氏老而喪明孫事之孝敬備至姑卒無依廼告諸族屬還依父母縞衣素食五十餘年

七月陳悲啼不食欲自盡其姑泣諭得存生子娶婦甚而卒收從子為後苦節不渝有司表奏旌之彭紗寧嘉興張昱妻父公衍鍾愛之館昱為甥未幾昱疾且革紗寧泣曰妾與君同年生必同年死君苟不幸妾不恐獨存已而昱死兒尚在抱既葬輒自盡姑奪得不死姑泣戒曰吾年老爾兒幼且病恐棄捐耶廼奉姑命調護其兒兒愈遂絕飲食墜跌號泣五日而死載文懿公呂原貞烈傳李氏真嘉善姚彥增妻彥增歿李年二十有三撫

其遺孤備極艱苦以成其節

高氏含香李氏晚翠者太守張寧二妾也年皆十

四五時相繼事寧者三年寧疾且革囑嗣子曰必

嫁高李二妾聞而慟不勝寧歿服除劉恭人與諸

妾尚衣鵠素獨令二妾釋服二妾泣問故劉亦泣

謂曰主公臨終之言不耳乎二妾大慟曰賤妾蒙

主公取憐有年恨不能即死以從敢有他志耶相

與焚香剪髮誓死屏居一樓三十九年家人罕見

其面寧不事生產身後家益落二妾茹荼飲藥有

賢者之操嘉靖太守以聞詔表曰惟節寧女恒清

海寧衛姚麟妻亦蚤寡守制無二志

周嘉平嘉善莫佐妻庠生周鼎孫女年十六齋伏

甫七月遺姪而佐死姪生女姑重憐之諷使再適

嘉平誓曰有不從姑終身者不出此戶娶居六十

餘年而卒

陸孝女喜真嘉善陸澄女也澄疾喜真嘗割股愈

之澄疾又作喜真乃剖胷割肝為羹以進澄覺之

不食疾輒愈喜真亦無恙焉

范氏崇德周經之繼室也經歿時范年二十五無子翁與前妻子相繼歿遺一孫貧不能存輒欲自經念姑老孫幼又輒止姑歿殯葬家益貧節益厲知縣洪異躬禮勞之壽八十四而卒

林氏魏全妻陳氏王軌妻俱海鹽人俱蚤寡辛苦孀居餘五十年節操如一日

許氏海鹽王廉妻歸廉無幾廉死後得遺腹兒衆謂許年少遺兒安保其成不如更嫁許不聽卒抱兒自完

錢氏海鹽陳立妻立死錢年二十五妻屠年十八同心守節知府徐益旌之

周阿香嘉善人農家婦也正德庚午饑夫與姑暗鬻之將遣前一夕赴水死鄉人具棺葬焉

項婦三節者贈左都御史項邦妻沈氏項鉞妻莫氏蘇州衛指揮項綬妻張氏也邦初為吳江丞沈歸之四年邦與夫人范皆歿沈撫孤守志備嘗艱苦壽八十有九成化間被旌莫年二十六而寡遺纔四歲誓不更嫁嘉靖初被旌張年二十而歿卒

長妾假夫遺命勒欲嫁之張截髮毀容示無他志  
止一女與之相保郡守趙公瀛上其事旌之

趙氏桐鄉徐宗海妻年少貞節事聞建坊

倪氏嘉興莊馮妻年十七適馮兩載夫卒遺腹生  
子山而其翁亦隨亡與姑相依守制父欲奪其志  
倪斷髮以死為誓年七十餘卒

鄭氏海鹽贈刑部主事吳寬之繼室布政使昂之  
繼母也鄭本平湖右族年十七歸寬二十八而寡  
遺孤尚幼茹荼啣哀事死教生誓無他志後以昂

貴封太安人年七十八而卒嘉靖中詔表之

俞氏貞女秀水人同邑高岑聘之未歸而夫亡父  
母別為擇婿貞女斷髮以死自誓父母隣其志不  
復強年六十餘卒

蔡烈婦崇德人龍陽縣學訓導蔡天錫之女許嫁  
何鶴齡多行不義兩家父母俱議改婚蔡誓死不  
從遂歸鶴齡鶴齡日事淫博為偷兒蔡輒泣諫憤  
懣就經翁姑覺而解翁死鶴齡不為理喪蔡罄衣  
資治喪葬鶴齡反朝夕迫蔡從娼蔡知不免沐浴

更衣自經死徐九臯哀之

朱四女者平湖朱炳少女也年十六許姚氏未及行炳卒無子四女日夜哀思依附寡母有欲私之者數挑之四女即痛哭於庭自嘆無父之女為人所凌如此至夜遂縊死父極之旁聞者咸稱貞女焉

陳氏秀水太學生施普妻父瀚延平二府大父諮翰林吉上自幼端恪沉静年十九歸施甫三載夫遘疾且暮親藥餌未嘗解襟帶竟不起時年二十

有一甘守苦節邑宰朱公旌其廬

王桂芳嘉興董壽妻年十七歸壽踰年壽病且革囑婦更適桂芳誓死以殉壽卒其母湯亦寡居命女歸同處芳不從越月母固強之往家一飯哽塞不能下還過宣公橋顧其母曰河水清冷可就死母懼拽其衣乃止至家即麻經縊死知縣洪範瑩葬於益倉橋北撰墓表嘉靖中佃為民居移窆於清真觀傍

馮氏嘉善郁自魯妻年二十六夫亡絕食五日姑

強之食乘間即自縊官為殯葬

陸氏娉平湖陸思之女年十八嫁毛徵三年徵以

疾亡翁姑以家貧無依微諷之易志娉即自縊沈

詩弔之

丁三女海寧徐成李政之妻年十六歸政政

食六日強起襄事以子托夫妹閉門

三月後海鹽向升

朝夕坐臥柩

後鞋止姑

自經柩側

錢氏嘉興府庠生高鵬

十八年壽至七十四

朱阿妹宗德朱潮女倭劫至城隍廟投河首

觸石柱以死姚菊香姚縉義女遇寇物投河

數日後屍浮水面母子相抱如生朱氏誣通以妻

給賊抱其子下樓投井死范氏朱貴妻年被完

范厲聲抓面賊怒割其腹至死罵不絕口戴

鑿妻冠執將污之以死力拒賊大怒中彼

喜與

死俱崇德人朱氏步橋妻沈氏沈表女周氏

氏柳暉女陳二女陳起女童氏郭匡妻王氏

周聰妻吳氏沈茂華妻婁氏汪志妻顧惠妻

沈氏吳銓妻賈氏徐胡妻俱嘉興人沈貞女毛文光妻

平湖張氏沈春雷妻何氏許應鯉妻張氏嚴妻

葉氏葉雷女俱嘉善人皆遇倭寇投水死

程與與鄒浩妻年二十五歲而寡廿賀操守

二歲遺孤鄒國儒登進士嘉靖四十五年巡按

小請旨建坊表其廬曰貞節

張氏桐鄉馮倫妻夫亡時年二十九遺孤攷甫三

歲煢煢苦守攷登進士疏請表揚封太宜人詔建

貞節坊年八十四而卒

毛氏嘉善監生沈勳妻年二十九而寡無嗣立夫

兄之子大成為後守節五十餘年萬曆二年詔旌

之

郭氏二女嘉興人長女為廩生姚浙妻年十八歸

浙二年夫亡哭血流血剪髮置夫棺中躬營葬事

後值倭亂扶姑往避且私繫夫立于臂朝夕奉祀

甚虔有司三額其間其妹為萬有妻年二十而寡  
家貧子守屢被旌表壽

餘世稱雙節云

邵氏嘉興舉人倪雲妻年二十三而寡李氏倪雲  
妻年二十九而寡樂氏倪深妻年二十二而寡俱  
克守制以壽終有司匾曰三節

王氏嘉興李用仁妻年二十二而寡遺一子比長  
娶媳張氏子復夭迺與媳紡織苦守

顧氏嘉善庠生卞理妻年二十二夫卒即屏鉛華  
撫遺孤鑄娶媳徐氏鑄復故與媳並守稱雙節云

姜氏嘉興馬塢妻年二十七而瑀死無子遂絕食  
旬日不死親屬交勸之稍食果實終不粒食獨處  
小樓垂三十餘年知縣曾訓表其樓曰甘節其女  
姪歸麻庠生高俸俸止守節六十年如一日

張氏徐禹妻許氏吳應山妻屠氏姜地妻常氏高  
尚仁妻項氏賀道立妻陳氏胡文孔妻俱嘉興人  
皆苦節自守

錢氏海鹽朱學行妻嫁甫暮而夫歿時年十九貧  
無所依即以死自誓稱苦節仇氏庠生徐乾元妻

陳氏嫩浦呀百戶胡偉妻翁氏將杰妻李婦李政  
妻皆年少喪夫能貞苦節俱海鹽人初年十五  
孫氏嘉善閩塾妻年十九而寡無子兄欲奪其志  
乃嘆曰兄所利者財也愚以奩田歸之遂與絕矣  
心守節立族為後年五十三值歲飢死貧不能棄  
事知縣于業經理獎之

吳氏庠生浦熿妻朱氏庠生劉良妻張氏淑端於  
瑄妻倪氏夏九經妻呂氏吳璧妻李氏陸埤妻俱  
嘉善人年少喪夫俱稱苦節

巢氏嘉興庠生爰大經妻年二十七而夫亡痛泣  
自縊其姑亟救因防之月餘得不死買書教子紡  
績養姑苦節五十餘年有司表其廬

王氏嘉興郁變妻年二十九夫亡撫孤應玄登科  
享年六十六歲

毛氏嘉興庠生顧臺妻貧而能守老而益堅督學  
屠義英賜扁旌之

王氏秀水陶託繼室年二十三而寡側室錢氏亦  
僅二十八歲勵志苦節俱以壽終禮部移檄給獎

諸氏秀水庠生張桐妻年十八而夫亡幼子甫一歲毀容誓守孝養其姑勤女紅以給薪水晚年以子正鵠貴誥封太孺人

徐氏海鹽姜應熊妻夫患瘍疾兩家欲更議氏不肯歸四年應熊死氏即絕粒誓守夫塋仍自揭楮間云貞節存心擬與孤燈對明月義方教子願期玉樹長芳林吳御史旌表其門

任氏秀水顧闈妻年十六父母贅闈於室未幾闈卒氏年二十五撫孤苦守

潘氏平湖庠生懷案妻年二十一而夫卒閉戶自盡舅姑亟救之方免遂脫簪珥畢葬事已而歲大侵躬啖粗糲奏姑舅以甘旨訓孤成立撫按奏旌其門

張氏平湖俞乾妻乾前妻男女五人張恩撫如已出年二十四而夫已生子二方襁褓氏闢一室懸夫遺像奉祖姑同處其中時海寇入境張礪白刃置懷中人問之曰脫有急以此死耳寇躡其舟不及咸謂天寔祐之苦守三十餘年卒

趙氏以道妻馮氏顧乃言妻顧氏庠生姚筮妻  
俱平湖人夫蚤世苦節終身

丁氏崇德庠生俞楫妻父無嗣贅楫及楫病亟夜  
靜露禱願以身代楫死時年二十九父黨有利其  
產者構豪右脅之嫁丁斷髮毀容即返夫家市書  
課子苦節終身

胡氏嘉興周元圻妻年二十三歲夫亡貧不能葬  
舅欲火化氏不從苦守遺孤三十年教以成名

常氏沈懋德妻范氏吳中俊妻俱嘉興人陸氏沈天慶

妻楊氏故吏濮相妻施氏呂竑妻俱秀水人陸氏夏光

覲妻沈氏盛聰妻顧氏庠生沈永道妻陸氏張榜

妻李氏陳朴妻常氏庠生沈大增妻俱嘉善人王氏庠

生馬如雲妻吳氏李諶妻任氏張桂妻朱氏庠生

王復昌妻徐氏季貞庠生鍾思益妻王氏何文謂

妻徐氏王成賀玠妻李氏徐鐘妻俱海鹽人或遺腹或

立孤俱守節終身

王氏嘉善孫言妻年十九夫卒以死自誓繼姑病

悲號累日願以身代夜夢神女曰念汝孝錫汝姑

喜與府志

百歲以慰汝心姑果年九十五而終有司屢獎其節孝云  
戚氏秀水徐有孚妻年十七夫亡丁產廢絕氏甘辛楚練服長齋苦守三十五年隆慶間父戚煌病薦氏潛割股為羹以進父得愈  
項貞女秀水項元沂女許聘同郡聞人瀟未婚而瀟故時年十六聞訃即晝夜悲痛請瀟衣履奉供樓居四十六年足不履地終身不施笄總  
項貞女襄毅公六世孫道亨女許聘吳江周恭肅

孫應祁應祁病瘵未婚而死女聞訃即日縞素以績麻密縫下裳夜靜伺婢熟睡自縊死時年十九舅姑迎其柩與應祁合葬御史王公奏旌樹坊  
張貞女秀水張組女年十四歲受同邑庠生劉伯春聘伯春少負才名必欲舉於鄉而後婚嘉靖甲寅疾卒女聞訃即號泣截髮誓不再適自為詩詞祭之守制三年足不踰閭口不茹葷服闋即絕飲食父母強諭之略進茶果終不粒食旬日而卒時年二十歲舅姑迎柩合葬焉其詩曰妾身未識良

人面良人何事先云已胸中厭飲五車史想為地  
下修文郎妾欲追隨同殉葬垂白翁姑尚在堂小  
叔呱呱方五月伶仃孱弱真堪傷妾本儒家寒素  
女感君一聘守綱常妾身不比河漢星妾身不似  
天邊月千秋萬古無盡期此情此義何時竭妾非  
矯情以干譽自求身心無玷缺他年小叔繼書香  
妾當一死來君傍鄉人頌之

沈貞女嘉興沈儒女受妣諺聘未及成婚而諺故  
時年十七聞訃痛泣幾至喪明請夫衣履祀之父

母俱歿依弟沈臯終身有司旌之  
費金菊崇德費霆之女許聘范氏未婚而夫卒菊  
聞訃號慟成服欲往送塋父母力阻之隨有議婚  
者輒泣曰吾心已死范氏身豈再適其父潛與張  
姓者締盟納聘之日即自經死殮時面如生有司  
為買地葬之表其墓曰蘭閨勁節  
薛氏嘉興薛文煌之女許聘生員王九疇未歸夫  
故薛氏剪髮披麻拜夫喪即往守柩哀毀骨立五  
年而卒與夫合葬

徐氏秀水徐全之女蚤失恃事父恭慎父疾醫藥罔効遂割左股以療之父得愈女痛楚幾殞後亦平善鄉里咸稱其孝配王周以子貴封王節婦海鹽庠生王銓之女嫁沈國相逾年國相死於倭氏時年十七有欲更娶之者氏剪髮毀容矢天終守子女俱無垂四十餘年巡按蔡題准建坊南門外

費氏平湖沈坪妻年二十一歸坪纔九月夫患瘵疾故費哭死復蘇截髮毀面誓不易志舅憫其節為立嗣費坐臥一小樓足不履地享年八十五又坪姪維鏞妻陶氏撫孤興孝維鏞妻陶氏撫孤結初俱年少守節稱沈門三節云

趙氏平湖趙志先女適馬維金維金死纔二十歲欲自盡以殉翁泣曰金有孤在盍存孤乎迺少進水漿已而姑病氏籲天燒指願以身代姑竟不起維金子亦夭遂不食哀號而卒

陸貞女平湖陸應元女十三歲許聘嘉善張應祥逾年應祥死妯氏來議姻氏入戶剪髮關鍵不復

出其婦李氏亦娶居共居待老知縣黃扁曰一門  
雙節云

李斷女平湖庠生李金女居乍浦嘉靖間倭夷入  
境父携之以行至河投溺以死提學阮立石海濱  
曰此李斷女死節處叅將盧鏜知縣劉存義皆給  
匾表云

俞氏平湖陸美妻甫笄歸美克盡婦道嘉靖間倭  
寇至將逼其居美適外出俞亟渡河深不可涉美  
弟與僕欲携其手以行俞厲聲曰死即死耳手可

為人所執耶竟溺死

周氏嘉興嚴泰之繼室年十七歸泰甫四月泰以  
疫歿貧不能自給族人勸之再適周忿然曰女無  
二天即截髮自誓歛迹一室足不踰閭年六十謝  
世雷古和作傳

張氏嘉興庠生許燦繼室廬州司訓張星女也性  
資端重讀內則習姆儀自幼若成人司訓公每器  
重之年十九歸許甫年餘而夫即世悲號幾殞更  
逢荒亂伶仃孤苦脫簪珥躬紡織以供舅姑撫前

子應達一如已出遺腹生應達以行誼重於時幼孫錫琦十三歲未娶而夭孫媳陸氏方十五歲矢死靡他隨歸許守節皆踵張之芳躅也張貞守五十四年而卒司道府縣咸旌異之以子應達貴贈淑人

盧氏海鹽張宏妻時二十四歲夫亡生子甫三月家極貧矢志撫孤繼姑欲奪其志盧斷髮不從且躬織紉曲事之姑感泣有司上其事撫按咸旌居之年八十三而卒

莫氏嘉興張禎妻年二十八而禎亡其翁亦歿孤方一歲歸依於母母微示意欲奪其志氏潛求自盡廼止守節四十餘年如一日教其子鳳岐成進士

賀氏秀水卜宗洛妻歸宗洛鞠子大同大有大觀大順宗洛日啣盃自放號長醉翁賀嚴於課子每夜篝燈相對至丙夜不輟伯仲季皆舉進士叔亦起家等素封晚年庭訓益嚴稍不愜意跪而督之尤為人所難及

王江涇貞女徐氏幼許配鼎室其父以醫致富而  
鼎室產落無錐地父欲啖婿罷婚婿亦甘焉女潛  
知之往問父計奩金幾何予我當從命父授以百  
金輒呼鼎室子與之抵暮自經後父以其柩歸鼎  
室子

張氏黃鶴年妻秀水憲副鏞之母年二十六而寡  
哀毀欲絕念兒方八齡強起撫孤形影相弔絕不  
為姑息晝令就外傅夜篝燈親自誦稍不中程  
且撻且泣不啻嚴父後課諸孫亦然其綜理家務

蕭如官府平時拮据著積左書右算能方支門戶  
人以為有丈夫風郡守為貞壽扁旌之後鏞成進  
士方疏請旌典而恭人沒君子曰貞而慈

夏氏秀水馮坤妻性莊潔慈儉善相夫子事翁若  
姑以孝聞嫠居五十年如一日其孫夢禎在襁褓  
時撫育備至齡年課以書詩丙夜治女紅相對一  
燈熒然率以為常後學成舉南宮第一贈為泚人  
崔氏秀水李傳妻十七歲適傳成婚七日夫遘厲  
疾而歿崔矢死靡他筑筑苦守時有謀娶之者崔

輒求自盡而止貞守五十四年知縣由禮門旌其  
問

楊氏平湖楊昇女十九歸徐珙生子悅甫四歲珙  
卒楊年二十四歲仰天大慟垂絕復蘇翁姑年六  
十餘祖姑戴九十餘仰事俯育綜理懇至年六十  
七而終

沈貞六娘平湖人年二十歲歸孫岳匝月夫已越  
四十餘年清操苦節如一日無遠近稱節婦者必  
首舉貞六娘云

陳氏平湖胡天常妻年二十三而寡子方一歲或  
諷之嫁陳仰天慟曰我胡門有雙節如戴氏萬氏  
者至今誦之獨致我為失節婦我何面目見祖姑  
於地下乃斷髮自誓年六十有六

沈氏平湖馬曙妻年二十配曙越五年夫已沈伏  
地大慟水漿不入口誓以死殉舅曰吾老矣不忍  
聞此聲沈重傷舅氏心抑情就禮然終身無喜容  
年五十九而終

盛氏嘉庠生沈之韶未婚妻嘉靖庚申年翁卜九

月初十日成婚是日夫死氏即剪髮納之棺中誓死靡他邑令李寅賓給扁獎勸今年六十五歲所宜奏聞者也

馬氏嘉庠生徐尚友妻嘉靖四十年正月初八日尚友病故馬氏年甫十九痛夫蚤逝厥明自縊柩前從容就死蓋貞烈中之尤難者邑令何源手撰祭章親臨拜奠未及奏旌尚有待焉

朱氏嘉興府庠生嚴從愛妻長史朱綬之女歸嚴甫三載夫巨氏年二十二歲哀毀骨立茹齋奉佛紡績奉姑以節孝稱繼從子其法庠生亦蚤世時媳許氏年二十七歲姑嫜孳孳形影相弔貞守四十餘年朱壽六十五從裕室蔡氏亦少年守節

濮氏桐鄉鮑文化妻年十四歸鮑夫歿故年荒無養兄欲奪其志即密縫身衣投河而死事聞建貞烈坊

李氏桐鄉工部主事沈繼志妻年十七歸沈志甫授官卒於京扶柩歸家歷盡艱辛凡三十七年而卒有司錫以貞節扁

二蘇氏桐鄉沈皋沈稷之妻各踰二十歲夫歿二氏同居緝繡以事耄姑織紉以課孤子學道屠查勘得實行府扁獎

趙氏桐鄉夏勲妻夫死氏方二十歲聞人議娶則剪髮靡他家道貧難甘心苦守孝姑課子節操可嘉學道屠行勘扁獎年七十五而卒

沈氏桐鄉胡雷之妻雷妻時氏無出沈氏舉一子未彌月而雷亡既而妻亦亡沈氏年方十九負苦萬狀力撫其孤胡椿至有成立年八十三而卒

陳貞女桐鄉人幼許募化鄉鄰高功為妻年十七未婚夫死即欲奔喪父母阻之弗克送之戴及門抱屍而哭親為夫殮越三日父母促歸弗聽請于翁姑笄而拜廟執婦道禮皜衣素裳獨處小樓日習女工為生活計知縣蔡公高公俱有扁獎又許氏夏梗妻張氏費可學妻章氏莊學賢妻鍾氏黃應龍妻孫氏夏尚賢妻茅氏朱廉妻劉氏周滂妻錢氏陳朴妻俱守苦節

沈氏秀水太學生徐先忠妻先忠遊成均卒於京

沈年二十訃至慟欲自盡時窻姑在堂二女在襁  
褓家人泣謂曰若得死所矣如老姑幼女何沈延  
茹痛強食屏去鮮麗澹泊終身嘉靖三十五年撫  
按有司先後賜貞節扁年六十八而卒

姚氏平湖俞相繼室也年十七歸相三年相故有  
前妻潘氏未嫁女姚哀號徹晝夜因告翁姑立嗣  
子可賢撫子女如已出年七十而卒前妻女俞氏  
適陳常通僅五月夫故與繼母姚共勵冰節奉告  
旌表其門

俞氏平湖過溱妻嫁二載溱卒俞年十九無子女  
時歲暮無日不給姑及宗族諷之再適俞曰生為  
過人死大人無忘死者請得六尺孤畢此  
志以是子橋橋甫二歲俞紡織而哺之  
撫按旌之八十三卒

李氏秀水倭倭  
倭倭變李方抱幼女恐迫及  
遂跳身入水倭急持其髻李手抓倭濡血倭怒以  
刃抉李鬚擗一水以母女相持出水次  
包氏季女者秀水八丁生秀之禽母兄嫌李貧議

他適女遂憤懣不食者七日長姊力持七箸淪季女口未及咽而卒

張氏夏錫妻張氏鍾一奇云俱秀水人皆蚤寡矣節靡他並垂老而歿

沈淋貞秀水沈履如姊妹二人其姊嫁吳之盛

盛職聘淋貞以續前夫如淋貞辭曰幼之夫非此之

匹一遂誓終身不適人後有求聘者俱以前

絕奉侍侍齋年七十八歲以故乃曾為其族

副沈啓原為立貞女

尤節婦嘉善沈果妻年二十七而寡子若孫俱

得成立令金和以存錄之年年十有五

趙氏如善朱相妻年二十八以印不茹葷豕猶

在襁褓日惟紡績有給養兒至夫座前

課讀稍逾度即聽而方之齊二十九忽一日呼兒

曰我以坐坐重爾父之守也父今日是爾父已

日我從心也矣死有日也

唐氏主事妻唐氏以貧故欲其再適唐斷

有一練子也

髮誓志奉姑即得一果必進之當大暑猶夜處  
帳中羹女紅以給勸操六十餘年卒之日里閭俱  
憫焉

嚴氏嘉善孫承祖妻年二十二夫夭止一女欲以  
身殉念姑且老乃孝奉天年及女嫁曰吾事畢矣  
竟不食死

俞氏秀水施泮妻甫二十二歲泮沒氏矢志砥節  
年七十有七至老弥篤秀水邑博王諷為文表其  
節焉

屠氏崇德庠生姜鍾妻鍾卒屠年二十家素貧內  
外無倚遺孤亦年幼一毫一粒悉出自織紉荒歲  
枵腹竟日晏如也蓋苦節云

許氏崇德南城令李華春妻華春故貧織紉佐之  
迨華春登第卒於官許年二十九貞心苦行歷二  
十三年邑侯陳履周應秋皆表其門

朱氏崇德庠生沈懋學妻夫故氏年二十九家貧  
如罄紡織撫孤宗人欲奪其志氏觸柱自絕隣母  
救免族姑周以升斗堅却不受自甘澹泊迄今四

嘉興府志 卷之三十三  
十餘年撫臺督學並給扁旌異

陸氏崇德金梁妻梁卒氏年二十生一女甫月餘家世貧孤苦伶仃翁勸之更適陸拜而泣曰生存一日亦一日金門婦也何他之為翁姑亦感泣萬曆二十一年病故蓋棺事定合表其門

馬氏崇德庠生郁維周妻周素病當婚時已癯然骨立矣氏勤紡績供藥餌越數年卒馬甫二十五歲伶仃孤苦遺腹生一子襁褓成人俾讀父書歷今三十餘年縣周應秋給扁旌之

張氏府庠生金維秋妻張千之之女歸維秋甫一載秋卒氏年十九號痛絕粒茹素終身苦守五十二年人稱貞節

吳氏朱琪妻凌氏朱禔妻俱崇德人吳為琪繼室成婚期年而琪沒時年十八遺腹有子復殤吳育前母子禔悉力撫養逮長娶婦凌氏未幾禔亦故凌時年二十八哭泣曰天禍我家一至此耶凌曰夫不祿不能報姑恩妾敢他乎既而家日索蚤夜紡績以盡孝養吳年八十餘且死凌以禮襄事年

七十一而終司徒劉公麟傳其事

葉氏崇德監生徐棟妻棟患疾葉晝夜號泣祈以身代棟卒時年二十七屏去膏飾堅貞自守撫孤女年十六贅壻黃鈺婚甫八月鈺卒女亦矢志同母守節女尋亡乳乳五十餘載終始如一太守趙公瀛書冰清玉潔以表之

姚氏崇德庠生嚴璠妻年二十五璠卒以死自誓孝養老母撫遺腹子教之成立雖貧至老亦不改節事聞督學給扁旌之

社氏崇德李轟妻轟卒杜年二十八遺孤乳乳家祚日薄撫子養姑志不少變年踰六十邑侯俞冲表其門曰貞節

張氏崇德庠生呂燮妻燮卒張年二十五翁姑相繼歿翁有遺孤甫二十日臨終時囑婦育之張撫如已出夫之所遺雖片紙隻字不敢廢棄

朱氏嘉興賀德儀妻年二十六卒四月二十六日申時德脩病故氏時年二十八歲哀號即日亥時服毒自盡里閭莫不哀之貞烈異常所

當亟為奏旌者也

馬節婦生員劉流妻也父馬玄平湖人年十六歸於劉十七而寡夫志廣而家甚貧利其再嫁欲奪其志每不與食百計挫之而志益厲嘗閉門自經或救之則繫絕而墜於地死矣急解之漸蘇翁又陰納沈某聘其姑誘與俱出令女奴抱持過沈舟舟且迅發氏投河不得乃呼天須臾風雨晝晦疾雷擊舟欲覆者數四沈懼延旋舟還之事聞於縣縣令氏別居時氏父兄繼沒無可歸假寓一

父不同我一見也自幼至長  
矩矱子孫咸以  
為式足稱賢母至八旬外  
醫束手孫大壯  
密割股和粥食之得效僉謂  
官人  
事姑之報季女  
通吳太守繼封恭人  
事宜人甚孝宜人逾九旬復  
遘疾恭人早夜侍湯藥憂勞備至一日忽仆地輿  
歸不起亦可謂死於孝矣

嘉興府志二十三卷終

季冬朔日覆校

大易成志

卷之三十三

四



